

JL 5
100
3



特
卷五
100
3

西域水道記卷四

巴勒喀什淖爾所受水

巴勒喀什淖爾者伊犁河所瀦也伊犁河二源西南源為特克斯河

特克斯河出汗騰格里山準語謂君為汗謂天為騰格里猶言天山也在納喇特嶺西五百

里山脈來自木素爾嶺山勢尊嚴羣峯環拱為天山之主峯特克斯河

出其北麓水道提綱云特克斯河出根克多貝格根地之大山東麓西三十四度極四十三度六分準語謂野山羊

為特克斯謂眾多為斯言濱河多此也河三支並出會流逕特克斯塞沁

小卡倫西卡倫西北距沙喇雅斯卡倫六十里又北折而東逕塔爾汗山南五十里多木

達都多木達都與多木達都同多木達見前哈布哈克水入之多木達都哈布哈克水二源

並發南山北流經多木達都哈布哈克小卡倫東又北流匯特克斯河

特克斯河東流五十里伊克蒙古語伊克大也見元史語解哈布哈克水入之伊克哈

所錄文
有增刊

布哈克水發南山

伊克哈布哈克水一源多木達都哈布哈克水二源故又統名古爾班哈布哈克水

北流經伊

克哈布哈克小卡倫西又北流匯特克斯河特克斯河又東流二十里

烏爾克沁布拉克水入之烏爾克沁小泉也東北流匯於河特克斯河

又東流五十里喀喇河入之喀喇河發南山西北流經納林哈勒哈

語納林細流也小卡倫北又西北流四十里經察察

準語察察小廟也以貯殘廢佛像者小卡倫

東西距伊克哈布哈克小卡倫五十里東北流一水自東南來共匯於河特克斯河又東

流阿爾雜木素爾水入之阿爾雜木素爾水發南山冰嶺之陰也北流

匯於河特克斯河又東流格登水

格登本山名準語格登腦後骨高之象山形拱起如腦骨然故名水復以山為

號也自北來入之格登水二源西源發達布遜淖爾南岸山曰阿爾班

水蒙古語謂十數為阿爾班特克斯河北岸入河之南流數十里經上

三旗厄魯特之喇嘛寺西厄魯特者準噶爾種人也其左翼為上三旗

初準部台吉達什達瓦

小策零敦多布之子

為其汗喇嘛達爾扎所殺

喇嘛達爾扎者策妄

多爾濟那木扎勒庶兄也弒策妄多爾濟那木扎勒而自立其屬來歸編置熱河乾隆二十九年遷

伊犁是為左翼厄魯特牧於特克斯河及察林河岸其喇嘛寺在格登

山北麓阿爾班水經寺西又東南流匯於格登水格登水西距阿爾班

水五里源發格登山即水之東源也

格登山在惠遠城西南五百餘里北距格根河源八十餘里昔

大軍之追擒達瓦齊也達瓦齊自特克斯河竄據格登山二十年五月

丙午定邊左副將軍阿睦爾撒納奏言臣等於五月五日渡伊犁河據

散秩大臣阿巴噶斯等言伊於達瓦齊未到之前先赴華諾輝

今作霍保護游牧達瓦齊遂自格登移駐尚圖斯臣等領兵於初十日至華諾

輝圖西里

準語西里山間平甸也見有賊人蹤跡隨兩路進兵迨至哈新烏蘇身

親察勘則達瓦齊擁眾將及萬人後負格登山崖前臨泥淖駐營固守

正在相度間有自達瓦齊營來投誠者二人曰莽漢曰們都自言係明阿特鄂拓克之人在特穆爾圖淖爾蒙古語特穆爾謂鐵也游牧近為達瓦齊所脅達瓦齊自特穆爾圖淖爾帶兵來此住歇未必即有歸降之意然衆心離散別無可調之兵臣等竊思達瓦齊氣衰力竭斷難持久若竟領兵掩殺既非仰體拯救準噶爾衆生塗炭至意即投誠人等亦不無因此遲疑却顧臣等詳察地利於十四日兩軍各據形勝整陣以待並示欲掠游牧之勢以誘達瓦齊是夜派翼領喀喇巴圖魯阿玉錫厄魯特章京巴圖濟爾噶爾並新降宰桑察哈什帶兵二十二人往探而阿玉錫等突入賊營出其不意放鎗納喊賊衆驚潰達瓦齊率二十餘人竄去比黎明獲其台吉二十人宰桑四人宰桑之子弟二十五人及達瓦齊親隨兵五百餘人又所調兵四千餘人收達瓦齊妻孥及所居大蒙

古包一礮六仍令參贊大臣公達爾黨阿追躡六月丙寅定北將軍班公第奏言達爾黨阿至庫魯克嶺達瓦齊已入布魯特境嶺外有通回城及布魯特路令侍衛台吉等曉諭之越二日戊辰又奏言是月八日達瓦齊行至喀什噶爾界圖爾滿阿奇木伯克霍集斯遣其弟攜酒馬迎勞伏兵林內擒之並獲其子羅卜托宰桑愛爾齊等七十人令副都統額爾登額等以索倫兵三百人喀爾喀兵二百人於十四日往木素爾受其獻迨定伊犁立方碑格登山巔四面分勒滿漢書回部書唐古忒書以銘功焉高宗純皇帝聖製勒銘格登山碑曰格登之崔嵬賊固其壘我師堂堂其固自摧格登之巖薛賊營其穴我師洸洸其營若綴師行如流度伊犁川粵有前導為我具船渡河入日遂抵格登面背巖藉一昏冥日擣厥虛日殲厥旅豈不易易將韜我武將韜我武詎曰養寇日有後謀大功近就彼衆我臣已有成辭火炎崑岡懼乖皇慈三巴圖魯二十二卒夜斫賊營萬衆股栗人各一心孰為汝守汝頑不靈尚竄以走汝竄以走誰其納之縛獻軍門追悔其遲於恒有言曰殺甯宥受俘赦之光我擴度漢置都護唐拜將軍費

賂勞衆弗服弗臣既臣斯恩既 二十五年伊犁辦事大臣阿公桂疏以

服斯義勒銘格登永詔億世 文曰惟神位正金方勢崇西極鎮準噶

格登為伊犁鎮山歲祀著為令 爾之全部夙著靈奇導岡底斯之羣峯

不宣氣化職方未載乃應運而服懷柔王會成圖早報功而行刊旅從

龍在望報饗宜虔朕綏定遐荒削平大漠負陰抱陽之類莫不尊親出

雲降雨之司咸同覆載惟格登山之雄峙環伊犁河以高騫地險爰標

神功攸懋在奪壘擒生之日助王旅以宣威值摩崖紀績之辰翼天庥

而効順作屏遠服載揚赫濯聲靈考制名山用展宸縣典物謹先期而

諏吉俾時享而薦馨康我邊陲永秩春秋之祀表茲絕域式垂山海之

經雉譯咸通鴻圖常固聿將芬格登水並山流所謂前臨泥淖者也又

茲庶克歆承編修朱筠之詞也

東南與阿爾班水匯復東南匯於河特克斯河又東噶克察哈爾海水

入之水發冰嶺之陰懸流噴激並山東流至噶克察哈爾海軍臺西南

瀕為池北經軍臺曲折流山中九十里至天橋山徑中斷下臨不測編

木為棧伊犁與阿克蘇所分界也水經其下又十里至沙圖阿璊軍臺

西余乙亥歲除宿於茲臺倚水側隔岸葱鬱谷口東眺遠見格登雪

氣不寒檉樺萌茁瓊廬燭地殘杯不乾澗聲淙淙胡歌四面歲暮崢嶸

泣數行下異鄉之悲至斯已極水流經沙圖阿璊軍臺北數十步達山

外又北流七十里匯於河特克斯河又東二十里逕特克斯軍臺北河

寬數里奔溜湍急渚激瀾漫鴛鴦鴝鵒於焉卵育乾隆二十八年參贊

大臣伊公勒圖始置巴圖蒙柯至沙圖阿璊七軍臺以特克斯河水深

闊造威呼二 剗木為舟狀濟人 令索倫部人善操舟者二人教習之即

此臺渡口也特克斯河又東數里喀喇烏蘇自北來入之喀喇烏蘇者

努爾圖水奉博圖水哈爾罕圖阿璊水圖爾衮布拉克水四流所匯也

渡格登水五里得努爾圖水又東二十里得奉博圖水 奉博圖水西數

山東南匯 又東三十里得哈爾罕圖阿璊水又東八里得圖爾衮布拉克

水 奉博圖水 又東八里得圖爾衮布拉克

克水水皆發自伊犁河南岸山東南流努爾圖水奉博圖水皆匯於哈

爾

爾

爾

爾罕圖阿喇水三水鍾為葦蕩又東南匯於圖爾衮布拉克水復南流
 達山外是為喀喇烏蘇復東南流匯於河特克斯河又東十里哈升水
 自北來入之哈升水發於哈升嶺在惠遠城西南二百里重岡複嶂高六十餘里
 水發其陽南流經博羅哈瑪爾山諺曰青石梁又東南匯於河特克斯河又
 東二十里沙喇諾海水蒙古語諾海犬也自北來入之哈升水東十里得烏蘭
 布拉克水又東十里得沙喇諾海水沙喇諾海水發自沙喇諾海嶺南
 流至博羅哈瑪爾北烏蘭布拉克水自西北來匯同流經博羅哈瑪爾
 東又東南入特克斯河特克斯河又東五里丹爾圖水自北來入之又
 東五里巴噶準語巴噶小也哈爾罕圖水自北來入之又東三里伊克哈爾罕
 圖水自北來入之皆發自沙喇諾海嶺迤東山伊克哈爾罕圖水經舊
 銅廠東南流嘉慶十四年將軍松公筠誘誅寧陝叛兵王文龍百數十

人於伊克哈爾罕圖即此水所經也伊克哈爾罕圖水東三里為塔塔
 爾虎布拉克水又東八里為巴拜布拉克水亦發自沙喇諾海嶺迤東
 山塔塔爾虎布拉克水東南流匯於巴拜布拉克水巴拜布拉克水同
 南流入於河特克斯河又東北二十里伊克華諾輝水入之巴拜布拉
 克水東二十里為伊克華諾輝水又東五里為巴噶華諾輝水二水皆
 發自華諾輝嶺山與和濟格爾相直乾隆二十三年定邊將軍兆公惠
 奏言於華諾輝山口對面之和濟格爾收取杜爾把集賽得木齊伊什
 博什等六十八口是也伊克華諾輝水南流經銅廠西伊犁銅廠創立
 於乾隆四十一年先是四十年將軍伊公勒圖建言於伊犁置寶伊局
 鼓鑄制錢每文重一錢二分幕文曰寶伊用銅八分四釐鉛三分四釐
 八毫錫一釐二毫歲鑄錢千一百餘貫自烏什喀什噶爾哈喇沙爾每

城運所產銅次年於哈爾罕圖山諺曰鳳皇山在惠遠城南四百五十里置廠歲採銅六

千觔所謂舊銅廠也五十六年將軍保公寧以礦竭移廠哈什歲增採

銅千觔益鑄錢六百貫嘉慶六年又自哈什移於巴彥岱呼巴海蒙古語巴

彥岱謂富者呼巴海山無草木也諺名曰三道溝即伊克華諾輝水所經也華諾輝水又西南

流由華諾輝谷中行谷長五六里怪石對峙杉松蒼翠嚴寒行役乘馬

踏冰水流冰下聲益澎湃有小鳥如燕翱翔冰上名曰冰雀亦曰雪燕

鷖乳冰窟亦雪蛆水蠶之儔矣水至谷外西南流二十餘里經華諾輝

軍臺西距特克斯軍臺一百里巴噶華諾輝水自東來匯共南流至胡都爾海入

特克斯河特克斯河又東北流華托羅海水入之華托羅海者泉水也

經阿勒坦和碩山西又南入於河特克斯河又東北流察罕烏蘇入之

察罕烏蘇發自冰嶺東山北流匯於河特克斯河又東北流阿圭雅斯

水入之阿圭雅斯水發自阿圭雅斯山乾隆二十二年定邊將軍成袞

扎布奏言臣等自裕勒都斯起程策應明瑞七月初二日明瑞越高嶺

數處行兩晝夜至布昆哈瑪爾問知綽和爾等渡庫克烏蘇糾合昂吉

岱等盤踞阿圭雅斯山中伏賊於密林以待因遣兵截去路賊見兵勢

即跳追至葉克特里克嶺賊依山結寨石峯林立冰雪堆積馬乏難行

不能奪取暫於明布拉克回語明千數名也地泉多故名駐劄是知阿圭雅斯所源故

林箐阻深矣水東北流匯於河特克斯河又東北流古爾班吉里木台

水入之又東北流古爾班莫列台水入之又東北流古爾班特勒克水

入之乾隆二十五年副都統豐訥亨追瑪哈沁往圖爾根河準語圖爾根迅急之

謂遇賊擊敗窮追兩晝夜知賊在伊克特勒克河源藏匿往阿圭雅斯

打牲因分三路往迎即三特勒克之一也諸水皆發自阿勒坦和碩嶺

北流入於河乾隆二十四年護軍統領努三奏云阿勒坦和碩嶺在木

素爾額林哈畢爾噶兩山梁之間夏令尚有積雪是也特克斯河又東

北流温都布拉克水入之蒙古語温都直也温都布拉克水在巴噶華諾輝水

東三十許里又東流三十餘里雪爾圖水自北來匯又東三十餘里塔

爾巴札圖水自北來匯又東四十里經博爾軍臺南距華諾輝軍博爾

水自北來匯博爾水發自博爾山伊克博爾巴噶博爾兩山相比地有

回民屯田引博爾水溉之温都布拉克水又東五十里莎水發自莎嶺

來匯嶺在惠遠城東南二百十五里嶺產鐵乾隆三十八年將軍舒公赫德疏言伊犁

種田回民銷買舊鐵製作耕具數年以來收買殆盡於伊犁河南莎嶺

開礦調阿克蘇城回民三十戶試採迄今山陰置廠焉廠北二十里為

莎郭勒軍臺距博爾軍臺八十里自軍臺南行二十許里踰嶺嶺高二十許里余

曾登陟巖峩有馬瘖之歎水至山陽南流匯温都布拉克水温都布拉

克水又東八十里玉季坤水自北來匯玉季坤水發自莎嶺迤東山南

流經沙畢納爾之喇嘛寺西沙畢納爾部舊與土爾扈特同牧俄羅斯

之額濟勒河乾隆三十六年以八百六十七人隨土爾扈特來歸編附

厄魯特下五旗其人惟習黃教徭役不及也水經其寺復南流匯温都

布拉克水温克布拉克水又東三十里巴哈拉克水自北來匯巴哈拉

克水亦發自莎嶺迤東山南流經厄魯特下五旗之喇嘛寺西下五旗

者右翼也準部遺衆之就撫者編置華諾輝空格斯河喀什河岸游牧

因建寺於此水經其寺復南流匯温都布拉克水温都布拉克水折而

南傍阿勒坦和碩山東入特克斯河特克斯河又東北逕特里莫圖嶺

南又東北流庫克烏蘇入之庫克烏蘇發自南山陰北流古爾班吉爾

瑪台水蒙古語吉爾瑪小魚也自東來匯吉爾瑪台水發自南山陰西北流一水

自南來匯又西北流一水亦自南來匯三水皆曰吉爾瑪台故有古爾班之目庫克烏蘇又東北流哈畢斯助水自東來匯吉爾瑪台與哈畢斯助皆流經達哈岱烏拉山西南以匯庫克烏蘇乾隆二十三年追瑪里格爾巴朗副都統由屯與奎蘇德在格登托羅海追擊三月二十七日參領都倫保與錐寬等從特克斯河下游至庫克烏蘇哈喇博和齊嶺追及賊人三十日莫托和爾等從特克斯河上游追賊見二十餘人從華諾輝嶺旁行盡剿殺之是其地也庫克烏蘇北流入特克斯河特克斯河逕達哈岱烏拉山北有莫霍爾濟爾噶助水國語謂盡頭處為莫霍爾發自南山陰西北流西匯哈爾罕圖水來入特克斯河又東北流伊克濟爾噶助水自東來入伊克濟爾噶助水發自東南境山西北流多木達

濟爾噶助水自南來匯乾隆二十五年侍衛碩通等至多木達濟爾噶助搜剿賊眾收穫馬匹卽此水也伊克濟爾噶助又西北流察罕布拉克水自東來匯又西北流入於特克斯河昔雅爾哈善之縱賊庫車也兆公惠實代之奏言臣於古爾班濟爾噶助途次得信九月九日起程卽此三濟爾噶助矣凡山中斥堠所曰塔布圖在莫霍爾濟爾噶助源者曰博托木塔布圖其東北十里曰玆拉巴特塔布圖為多木達濟爾噶助源又東十里曰拜布拉克塔布圖為伊克濟爾噶助源又東十里曰綽羅圖塔布圖為察罕布拉克源又東北七十里則昌曼河北岸有昌曼卡倫焉濟爾噶助河干置船廠每歲伐南山木修作糧艘沿於濟爾噶助達於特克斯河逕莫紐庫尊嶺東烏蘭布罕西里山西凡六十餘里至河口空格斯河自東南來匯特克斯河凡行九百餘里

東南源為空格斯河

空格斯河源出哈喇沙爾西北境鄂敦庫爾嶺一作額通古西麓其東麓有溫泉石磴尚存故老言是準部遺跡使準噶爾行程記云自阿拉癸山口至空格斯河源凡九日程阿拉癸山口西行四百七十里至大裕勒都斯又六十里至鄂敦庫爾山口正月二十日自鄂敦庫爾山東口起程踰鄂敦庫爾嶺五十里入西邊山口兩岸松林稠密中間流水潺湲瘴氣漸清山水秀麗如畫惟遇雨雪坡滑難行二十一日順空格斯河在岡口內行六十里岫頂松林澤涓柳樹時聞鶯聲二十二日八十里宿鄂敦庫爾山西口二十四日六十里宿空格斯河是河行百餘里出鄂敦庫爾山也源處極四十三度三十一分西三十二度五十八分強空格斯河西流霍爾海河自東北來入霍爾海河發自鄂敦庫爾

嶺北山西流百餘里察罕烏蘇來匯察罕烏蘇發自阿爾察圖山蒙古語謂

有松柏枝見元史語解乾隆二十二年副都統由屯擒扎那噶爾布七月初一日

行至哈什河河出玉故與和闐玉河同名獲尼瑪屬人俾為嚮導次日黎明到哈什

河之阿爾察圖山口分兩翼圍游牧賊潰蓋山之北即哈什河也察罕

烏蘇西流匯古爾班伯爾克河以匯霍爾海河擒扎那噶爾布之歲吞

圖布及鄂哲特窟在古爾班伯爾克河額駙色布騰巴爾珠爾襲之獲

鄂哲特之妻霍爾海河折而西南入空格斯河空格斯河又西北流逕

伯爾克阿璊小卡倫南又西北流五十里逕納喇特卡倫北又西北流

四十里逕烏努古特卡倫北有烏里雅蘇水自北來入之空格斯河又

西北流博克什罕河自北來入之博克什罕河東有納林河西南流匯博克什罕河又西北流

札那斯台水自北來入之又西北流圖爾根河自北來入之阿爾察圖

之役克勒特人聞大兵踰納喇特嶺遁至喀什八月初八日由屯追至圖爾根河遇賊力戰謂此河也空格斯河又西北流逕察爾圖嶺南其嶺有泉自北來入之又西北流拜牲圖水自南來入之又西北逕哲克圖嶺南其嶺水自北來入之又西北流昌曼河自南來會昌曼河發自納喇特嶺數泉噴湧聚而成川其地多鹿諺名鹿圈後漢書郡國志廣陵郡東陽劉昭云縣多麋引博物志云十百爲羣掘食艸根其處成泥名曰糜暖斯之鹿圈蓋其疇歟昌曼河西北流經昌曼卡倫南又西北流經達哈特嶺北滙其嶺水又西北流經喀喇淖爾嶺北滙其嶺水又西北流經烏蘭嶺北滙其嶺水又西北流達山外入於空格斯河空格斯河又西流逕特穆爾里克嶺南其嶺水自北來入之特穆爾里克嶺巨空格斯喀什兩河間段氏若膺說陁字義云兩川之間必有山焉是

爲坎象坎者陷也高在下間爲陷故一山在兩川間者曰山絕坎又謂之陁特穆爾里克嶺正陁之謂矣嶺陽之水入空格斯嶺陰水入喀什兩河自原及委山徑可通車布登札布傳云阿睦爾撒納竄死逸賊阿巴噶斯等未就獲車布登札布奏遣兵赴喀什空格斯搜逸賊蓋林莽重複足爲逋逃淵藪空格斯河又西北流逕袞佐特哈北伊犁之再定也定邊將軍成袞扎布領兵由裕勒都斯駐袞佐特哈辦理克勒特與烏魯特游牧事卽其地袞佐特哈水旣厄魯特田北流遇沙而伏空格斯河又西北流逕胡吉爾台北胡吉爾蒙古語謂確也地有三泉皆北流遇沙而伏嘉慶十七年正月二十有五日時加亥伊犁地震袞佐特哈胡吉爾台山裂四處長二十里至六十里寬五六釐深十餘丈至二十丈又於平地湧出高阜其土虛浮踐之卽陷臨風搖動數十日乃止死者厄

魯特人四十七流人十一官牧牲畜二千五百九十五隻厄魯特牲畜千七百餘隻即空格斯河南岸也空格斯河又西北流至烏蘭庫圖勒嶺南與特克斯河會凡行六百餘里伊犁鎮川也乾隆二十八年入祀

典春秋祀之

文曰惟神洪源遠布遐澤旁敷潤西域之神皋灌輸攸賴隸北庭之都護耕牧稱繁巨嶺東來東岡巒之蜿蜒大河西折作襟帶於伊犁環沙漠以揚流効地靈而播德含滋有應令典聿昭朕撫卹羣蕃削平諸部百靈効順張雷動之六師庶彙成昌與雲屯之千耦惟茲巨川之利濟實為神爽所式憑在昔飲馬長流澄波既慶即今洗兵濛汜渥澤均沾特詔祠官載隆望祀屆春秋而將享丕昭漸被之麻練時日以潔蠲克集懷柔之福承茲永秩式此居歆

二水合流是為伊犁河

二水會處極四十三度四十五分西三十四度二十分河亘伊犁南北之中伊犁北境漢匈奴地南境烏孫地漢書西域傳烏孫國治赤谷城東至都護治所千七百二十一里地莽平多雨寒山多松楸不田作種

樹隨畜逐水草與匈奴同俗東與匈奴西北與康居西與大宛南與城

郭諸國相接本塞種也又曰温宿國北至烏孫赤谷六百一十里按今

阿克蘇為古温宿自阿克蘇城北至伊犁沙圖山口已六百六十五里

可知烏孫北境不踰特克斯河矣

漢烏孫境全在天山之陽自捐毒之北迄於焉耆之北而温宿焉耆北山之陰當仍有屬烏孫者 陳湯傳云郅支侵陵烏孫大宛如得此二國北擊伊列西

取安息謂得烏孫乃可擊伊列是又伊列自為一國在烏孫北之證舊

唐書突厥傳或作伊列或作伊麗列麗之與犁蓋音轉輕重故大學士

傅公恒進西域圖志表云伊犁實伊麗之流是也西突厥咄陸可汗立

與啞利失可汗大戰因中分自伊列已西屬咄陸已東屬啞利失啞利

失死其弟伽那之子沙鉢羅葉護可汗建庭睢

新書作睢

河為界顯慶二年閏正月庚戌以左屯衛將軍蘇定方為伊麗道行軍

總管帥燕然都護任雅相副都護蕭嗣業發回紇等兵自北道討西突厥沙鉢羅可汗賀魯又詔阿史那彌射及族兄步真為流沙安撫大使分出金山道十二月定方至金山北擊處木昆部大破之進至曳咥河西賀魯帥十姓兵拒戰定方擊之大潰追奔三十里明日整兵復進賀魯與處木昆屈律啜數百騎西走時阿史那步真出南道五咄陸部皆詣步真降定方命蕭嗣業回紇婆閏將胡兵趨邪羅斯川定方與任雅相繼之復大戰伊麗水上賀魯輕騎奔竄渡伊麗河兵馬溺死者甚眾新唐書地理志云伊麗河一名帝帝河是又方言所傳足廣異聞矣乾隆二十年始定伊犁方畧載是年五月壬辰定邊左副將軍阿睦爾撒那皆望風歸附迨至伊犁沿途厄魯特回子喇嘛等有牽羊攜酒迎叩馬前者有率其妻子額手道旁者臣等恭奉聖主恩旨宣布曉諭所在人眾咸稱準噶爾地方數十年來兵革相尋羣遭塗炭達瓦齊自為台吉荼毒所屬毀殘黃教眾人不但無以為生將立見骨肉離散今

大皇帝撫育羣生遣兵拯救我等得以瞻仰天日出於水火不勝歡抃臣等見道旁居人並未遷徙耕牧如常且老幼婦女毫無驚懼前後隨行踴躍鼓舞伏思皇上籌畫萬全一一洞鑒於事幾之先臣等仰承指授得以迅速奏功實千古未有之事現今即渡伊犁河務擒達瓦齊俾獻二十五年是年先告祭伊犁河文曰朕受命承家化綏億域達伊犁之境時雨効靈準人既即敎以教寧回部更偕來而式廓波恬兩岸屢憑舟騎之通派合千山早受販章之隸惟神嘉貺翊我大勳萬里而遙久繪圖以覽勝五年而近常揆藻以抒忱特崇齋帛之文肇舉祭川之典瑞升雲物自今加澤邊氓功溉土田以歲長款國祀浩浩崑墟之北比於瀆尊洋洋蒲海之東秩祀伊犁河文曰惟神洪源遠濬沛昭茲坎德醴牲用潔遣告維虔朝宗有本協盈虛於坎德用涉咸昭境過渠搜遐控流沙而外地連越匿舊傳伊列之名環絕域以含滋亘平原而布潤効靈不爽錫典宜優朕撫馭寰輿救寧荒徽定準噶爾之全部剝木遙通俘厄魯特之名王恬波共慶惟茲巨川之利濟實當大漠之奧區聲教所宣懷柔悉協在昔六師飛渡既彰孚佑之麻於今千耦興屯益普灌輸之利爰隆秩祀特詔祠官頒制帛以孔虔練吉辰而肇舉春秋將事萬里宏漸被之規牲醴薦馨諸蕃享澄清之福尚希昭格來享苾芬侍讀錢大昕之詞也

河水西北流過雅瑪圖嶺北

伊犁河西北流逕特里穆圖嶺北特里穆圖泉自嶺陰北流遇沙而伏
 河水又西北流逕沙喇博霍齊嶺北蒙古語博霍齊牝牛也謂山形如黃牝牛嶺有水北流
 既回莊而止河水又西北流逕雅瑪圖嶺北嶺有水北流遇沙而伏自
 二河會流水口至雅瑪圖嶺九十里乾隆二十一年定西將軍策楞奏
 侍衛福昭等訛言台吉諾爾布於正月二十一日在雅瑪圖嶺擒阿逆
 卽其處也

又西哈什河從北來注之

哈什河發哈喇古顏山南麓

準語古顏謂股也山腰以下石色深黑故名

源處極四十四度

八分西三十二度四十五分湧泉成池菹澤星布蕩而西流數里賽里
 克察罕烏蘇自北來匯乾隆二十二年定邊將軍成衮扎布奏侍衛烏
 爾登於六月初九日追賊尼瑪等由博羅和羅山口往哈什河源一路

山險雪融泥淖難行是其地矣沿哈什河北岸皆伊犁圍場一水所匯
 爲一圍凡十圍以次而西賽里克察罕烏蘇之東卽第十圍也哈什河
 又西流六里布爾哈斯台水自南來匯圖爾根察罕烏蘇自北來匯乾
 隆二十三年參贊大臣巴祿奏言搜剿瑪哈沁至扎木巴拉布拉克之
 源喀喇沁參領賽圖於圖爾根察罕烏蘇剿賊四十餘人是也哈什河
 又西流十里阿布達爾摩多水自北來匯又西流五里哲里摩多水自
 北來匯又西流五里阿爾斯朗圖布董水蒙古語阿爾斯朗獅子也布董謂物之麤大者言其地之
山麤大又自北來匯又西流十五里哲庫布董水如獅子形自北來匯哲庫布董
 水西有無名水一亦南流匯哈什河哲庫布董水西十里哈布齊克布
 董水南流匯哈什河又西十里烏里雅蘇台水南流匯哈什河乾隆二
 十二年成衮扎布奏言六月初九日明瑞在額布圖一作額嶺口遇賊

千餘擊之奪其寨追至額林哈畢爾噶之烏里雅蘇台河賊人占據山崖排列鎗礮在此水之側也哈什河又西五里喀喇河南流匯哈什河喀喇河東有無名水一其西有無名水四皆南流匯哈什河喀喇河西二十里巴爾加圖水南流匯哈什河巴爾加圖水東有無名水二亦南流匯哈什河諸水皆發自北山山無林木惟水道所行喬柯交蔭登高遙矚蒼龍十餘蜿蜒南走奔赴巨壑空山豐草自成周陔每歲官兵行圍以習馳逐己卯之秋余隨將軍晉公昌字晉齋校獵於此營合圍會離散別道徑峻赴險越壑厲水箭不苟害弓不虛發長楊羽獵未足爲侈迨乎弭節返次旃廬和門所嚮臨乎哈什巴爾加圖南直特穆爾里克嶺嶺陰之水北流來匯哈什河又西傍北山流二十里經齊齊爾哈納托海營南有泉發自營西半里流經營南匯於哈什河齊齊爾哈納

者彼土之樹細葉如柳結子小於櫻桃而色淡黃味酸微澀野雉食之叢生水灣中高皆丈餘營南隔岸爲呼賴特穆爾里克嶺嶺趨而北河流漸隘哈什河經營西一里沙喇布拉克水自北來匯哈什河西流入峽又西流十里經胡吉爾台嶺南哈克布阻水自北來匯南北山勢復開哈什河又西傍北山流十里呼濟爾吉爾瑪台水蒙古語呼濟爾也言謙地而水有魚自北來匯又西傍北山流十里察察吉爾瑪台水自北來匯哈什河又西傍北山流二十里稍折而南摩多圖吉爾瑪台水自北來匯三吉爾瑪台水獨此有林木其山四面高阜中平曠周十餘里將軍頓宿於茲水來自山東北隅峽中澄清無滓余與領隊大臣布君彥泰策馬峽中溯流十里孱顏積黛蒙籠撥雲幽討造深賞心斯契垂綸投餌白小盈筐水自峽出南流經將軍營東自山東南隅峽出峽長里許怪石猗

西城水道記卷四
二
狎纍纍塞路激湍環曲琴筑齊鳴層嶂銜日晚照薄林余復與布君褰
衣躡磴徙倚山腹晉齋將軍籃輿相就料數茶鎗指揮談塵清言畢景
無負溪山矣水達山外南流數里匯哈什河傍南山流其南山曰烏圖
嶺又西七十里經都爾伯勒津回莊南自寧遠城以東三百里皆回民
田迄此莊而止乾隆二十年參贊大臣策楞奏言諾爾布林沁擊敗阿
巴噶斯等欲整兵進剿而塔本集賽黨惡據險恐為夾攻已移游牧於
都爾伯勒津之地謂此也使準噶爾行程記云自空格斯河六十里至
都爾伯勒津又一百二十里至策妄阿喇布坦游牧今自空格斯行者
空格斯河岸十里至烏圖嶺越嶺西北行二十里渡哈什河河北岸渡
口曰察罕拜牲自此西北行五十里至都爾伯勒津莊其西百二十里
在蘇布台蒙古語凡有穴者曰蘇布台以東山勢平敞宜為準部駐牧之所哈什河

又西流二十里呢勒哈

蒙古語謂幼孩曰呢勒哈

水自北來匯呢勒哈水發自呢勒

哈山其山東西兩阜張股如箕水傍西阜之左南流達山外溉回民田
瀦為水磨經回莊匯於河乾隆二十三年定邊將軍兆公惠奏言博羅
布爾噶蘇嶺內呢勒哈有布魯古特之瑛齊二百餘戶居住臣派瑚爾
起以兵四百人往至呢勒哈河適遇遷移游牧即行圍剿殺賊四五十
人瑛齊等登山乞降即登此東西阜矣回莊東一里有三泉並發共流
經將軍營南西流至回莊南亦匯於河哈什河自巴爾加圖以西渠并
漸多波瀾增遠南岸峭壁卓立水次石罅松林重掩蒼翠間花野蔓雜
綴青紅北岸石磯與水吞吐余偕布君每向日晡河干促坐借彼濤聲
滌茲塵耳澄泓深碧似鏡透明俯拾文石盈於懷袖哈什河又西傍北
山流經都圖嶺北又西經阿布喇勒山北阿布喇勒者在惠寧城正東

一作阿布蘭山蓋音之轉自城闔東眺孤嶂高聳眾峯皆斷故諺曰獨山焉乾隆二

十八年始祀之文曰惟神秀甲金方勝標玉塞崇岡起伏從葱嶺以分

特峙其陽翠屏儼對空格斯繞其左碧水如環緬靈異之夙傳宜馨香

之式薦朕丕昭武畧龍定還荒味谷之西遣亥章以測日輪臺以外駐

戊已而開屯乃眷名山實稱福地犁庭露布久徵默祐之功觸石雲興

允著懷柔之效緬販章之式廓庶沙磧之永寧嘉貺聿臻明禋肇舉刊

旅未詳於禹貢始知際會有期庶縣載考夫周官益信報功不爽春秋

望秩瞻峻極於北庭風雨和甘垂祐庥於西海自今以始申錫無疆

哈什河又西經烏蘭庫圖勒嶺北謹按方畧乾隆二十年九月參贊大

臣策楞奏拏獲叛賊納旺據稱八月二十三日宰桑克什木搶掠臺站

二十四日將軍大臣等帶兵沿河向空格斯行走二十九日宰桑克什

木句敦多克曼集句烏克圖句圖布慎句巴朗句及喇嘛回人等率眾

前至烏蘭庫圖勒圍守將軍大臣正在搶掠班將軍鄂參贊俱行自盡

薩將軍由小路帶達什達瓦兵百人脫出又按班第傳班第與鄂容安

陷賊中由固勒札赴空格斯轉戰至烏蘭庫圖勒賊蜂集力不支遂各

自盡是二公殉節之地載在冊書變亂之後傳聞失實以為在渾都賴

山故樹碑於彼而烏蘭庫圖勒反為射雉場無茅蕪以棲忠魂策馬留

連槍焉悲楚余復為詩以正之日世俗徒耳食故府誰研搜况在草昧

此風雲愁英姿碎趨壁生氣輕吳鉤碧血沾草盡黃衫無人收豈嶽烏

蘭嶺悽愴長千秋傳聞胡失實表路芟松楸豐碑相對立轉在危溪頭

肅然下馬拜不見靈之旂目驗尙如此哈什河又西經烏蘭嶺北車布

登傳云附錫布推哈坦巴圖爾傳和託輝特逆賊青滾雜卜叛車布登將以兵會參

贊塔爾瑪善赴烏蘭嶺追剿阿睦爾撒納謂此嶺矣哈什河又西經吉

勒蘇胡嶺南蒙古語吉勒蘇胡謂日光晃眼也額林摩多水自嶺東來匯嶺南數里懸

崖聳峭危石倚空哈什洪濤衝鬻其趾攀援如蟻臻其絕頂路轉山回

劣容馬足山中石璞往往鑄科木什木博第薩都佛呢即華言觀音呢

六 綽克圖贊丹經大旨言瞻拜如來三十五尊佛得解罪孽往生極樂
又有求福於松喀巴喇嘛華言達摩也發願之詞曰米克哲木皆蒙古書或
唐古忒書厄魯特人云昔準部時山水暴溢數致災害勒石此山思遂
止絕相傳是五百年物余與從者就馬上攜數石歸番僧見之輒先頂
禮哈什河又西流胡吉爾台水自北來匯又西流三十餘里烏里雅蘇
圖水自北來匯胡吉爾台西迄於烏里雅蘇圖連岡疊巘土皆赤緹山
巔崩坼溜痕宛然麓有碎石搏結堅實正圓如甕各有嵌石石鑿番字
與吉勒蘇胡嶺石相同考驗厥狀益怒濤挾沙團積成阜襍災之說或
不誣矣哈什河又西流二十餘里摩多圖蘇布台水自北來匯又西莫
霍爾蘇布台水自北來匯又西胡爾圖布拉克水自北來匯三水相去
一里而近哈什河又西流二十餘里沙喇蘇台水自北來匯沙喇蘇台

三支並發自北山西南流而匯折而東南匯於哈什河其東有無名泉
二俱發自北山南流匯於河哈什河又西南流三十里經渾都賴山南
山麓有溫泉以木為檻行役往來於斯澡浴山陰即博羅布爾噶蘇之
營也博羅布爾噶蘇山自營北周其西以屬於渾都賴其西南有谷口
博羅布爾噶蘇水由此達山外哈什河北岸大山縣亘數百里以此為
門戶扎拉豐阿傳云乾隆二十年四月偵達瓦齊居察卜齊雅勒扎拉
豐阿偕薩喇勒由博羅塔拉馳赴博羅布爾噶蘇奪隘口抵登努勒台
沙喇扣肯傳云阿睦爾撒納為大軍所追竄哈薩克巴圖爾烏巴什覬
據伊犁轄四衛拉特聞我師有備竄察罕烏蘇句博羅布爾噶蘇句阿
勒坦特卜什句勒卜什沙爾海諸境是知為伊犁東境要害矣渾都賴
山與南山相逼東河如堵牆哈什河西流五里淵深湍溜北出其隘復

西流其北岸即俗傳雙烈効命處乾隆四十三年班公之子福祿成伊犁公之孫慶麟亦來為厄魯特營領隊未稽國史遂於其地建立方碑並立鄂公碑一通余展拜碑下陰崖慘淡幽不見日水流嗚咽似有餘憤神所憑依或在是焉河經班義烈公碑南又西數十步經鄂剛烈公碑南又北流折而西南十餘里渾都賴山勢向盡博羅布爾噶蘇水自東北來匯博羅布爾噶蘇水發自博羅布爾噶蘇山南流折而東經將軍營東復西南流有泉發自營西復南流來匯共西南達谷外疏為渠溉回民田回民居水涯耕作者千一百戶水復西南匯於哈什哈什河達山外西南流十數里疏為渠導以西北流三十里經鄂什塔斯坦回莊東二十里清流奔瀉水上駢架三橋以濟往來嘉慶二十一年松公筠疏言阿奇木伯克霍什納扎特於哈什河舊渠展鑿二十餘里長一

百七十餘里西北接濟爾噶朗水即此渠也哈什河又西南流經雅瑪圖嶺北嶺西十餘里有舊鉛廠哈什河直鉛廠之北匯伊犁河匯處極四十三度四十一分西三十四度二十分兩河間皆沃壤回民耕之乾隆二十八年始秩祀文曰惟神澤沛金方靈昭坎德滙特克斯而共注眾派同歸經固勒扎以分流平原獨沃淵澄方折記玉水之濛洞績著安瀾靜銀波之浩淼効靈不爽錫典宜隆朕撫定遐陬救寧荒服塞烟隴月駐細柳以開營雪浪風濤挾飛鯉而競渡惟念斯河之天險益慶今日之波恬粵稽唄鹿名州益增式廓爰布沈狸令典用妥神明康我邊陲永秩春秋之祀綏爾蕃部共歌清晏之庶肅此苾芬尚其昭格

河水又西北過察布察爾山

察布察爾山口東距雅瑪圖嶺七十里察布察爾水發焉乾隆二十三年副都統由屯追鄂哲特帶兵二百餘名晝夜兼行三月二十一日追及賊眾於察布察爾河口之蘇瑪爾罕令薩壘為左翼奎蘇德為右翼

西域水道記卷四
由屯與侍衛拉瑪錫居中奪賊所據山谷追至特克斯河殺賊二百餘人察布察爾水北流經洋薩爾回莊東溉其田止不流

又釀爲錫伯渠

乾隆三十年自盛京移錫伯部官兵千一十八人駐伊犁河南岸去河數里舊有一渠東西長二百餘里渠北地隘慮在無田渠南阻崖患在無水嘉慶初有部人圖默特創議於察布察爾山口引水自崖上鑿渠亦東西長二百餘里功費繁鉅部人嗟怨圖默特卒排衆議數年乃成既濬新渠闢田千頃遂大豐殖雄視諸部鄭白之沃不足云也圖默特後以塔爾巴哈台領隊致仕部人頂而戴之同於父兄新渠東北有積水潭廣數里環潭皆回民田松公筠因新渠成以潭西南二面田二千畝畀錫伯錫伯之界遂東移新渠自察布察爾山口經回人館北入

新界經積水潭南二十餘里又經塔什布拉克南溉錫伯正黃旗田又西六十里經察罕拜姓南溉錫伯鑲紅旗田又西五十餘里經巴圖蒙柯北溉錫伯正紅旗田又西十餘里至豁吉格爾北溉錫伯鑲黃正白二旗田而止舊渠引水十餘里至大橋入新界又西二十里經錫伯館南其地與河北寧遠城相直也又西三十里經錫伯正藍旗地南溉其田其地與河北惠寧城相直也又西三十餘里經錫伯鑲白旗地溉其田田之東有枝渠分舊渠水滙於河又西三十餘里經巴圖蒙柯軍臺南其地與河北惠遠城相直也軍臺西數里又經錫伯鑲藍旗地溉其田而止兩渠相去十餘里新渠高於舊渠六七丈新渠之南並南山下皆回民田

又西過寧遠城南

西域水運記卷四
伊犁河北岸縣亘諸山距河或百里或百餘里博羅布爾噶蘇山西曰登努斯台山有水西南流為呼魯蘇台水又西曰明瑪魯山有水南流為畢立海水又西十餘里山亦有水南流為渠立海水二水皆滙於呼魯蘇台水既回莊田渠立海水西有薩薩布拉克水又西有哈尊齊水溉其莊田而止又西為濟爾噶朗河河發自北山南流東距博羅布爾噶蘇谷百四十餘里呼魯蘇台水經鄂什塔斯坦回莊北而西流六十餘里與濟爾噶朗河滙復西南流既濟爾噶朗回莊田而止準噶爾時阿勒闡沁鄂拓克宰桑塔爾巴住濟爾噶朗河其水舊達伊犁河今既田無餘水濟爾噶朗河西十里至固勒札渡口乾隆二十年定邊右副將軍薩喇爾奏言臣等於四月二十七日領兵至登努勒台班第阿睦爾撒納於二十八日領兵至尼楚袞兩路大兵駐劄相距二十里臣等

議一同進發北路兵由伊犁河之固勒札渡口越特穆爾里克嶺前進西路兵由喀塔克渡口越扣們嶺前進由此直抵達瓦齊所居格登地方也渡口置倉額貯回屯糧三萬七千一百九十餘石

伊犁凡五倉貯糧各有額惠遠

城倉貯十一萬九千七百二十餘石惠寧城倉貯八萬九千四百一十餘石綏定城倉貯二萬二千四十餘石塔勒奇倉貯一萬七千三百五十餘石併固勒札而五倉員一人駐之倉臨大河灘聲聒耳荒沙童阜四無居人

乾隆三十二年將軍阿公桂疏言回民所納糧貯固勒札倉距惠遠城九十里難於車運令每旗造船二隻是年試運至三十七年船成每年始季春終季秋由倉運糧四萬石輸惠遠城倉以供兵食伊犁河逕倉南又西八里逕寧遠城南寧遠城即固勒札也準噶爾曾徙庫車回族鄂對於此地與河南之海努克相望西藏總傳云初厄魯特崇黃教噶勒丹策凌建都綱於伊犁河濱北曰固勒札南曰海努克設西勒圖四

集喇嘛千餘以塔本集賽輪值贍之每歲首及孟夏台吉宰桑等咸往
瞻禮都綱者大寺也諺稱固勒札曰金頂寺海努克曰銀頂寺固勒札
都綱為阿睦爾撒納所燬余宿海努克軍臺臺西距巴圖蒙柯軍臺九十里搜訪遺蹤
臺南半里許小阜隆起殘刹數椽頽垣斷壁丹青藻井黯淡猶存朋素
克傳云乾隆二十五年副都統伊柱視伊犁屯田至海努克獲虎紐銅
章一文曰管轄厄魯特後旗札薩克印驛封至蓋雍正四年頒給茂海
物也茂海事見特穆爾圖淖爾條下茂海叛挈往準噶爾獻噶勒丹策凌至是得之所
謂海努銅印也得印之歲伊犁辦事大臣阿公桂疏言伊犁名勝之地
河北無過固勒札河南無過海努克海努克現有回民三百人即令安
居不使移徙並於其地建一小城駐兵數百人以遏哈薩克布魯特等
所通之路至來年陸續移來七百戶回民均令駐劄固勒札建一大城

所有大臣衙署倉廩俱修於此尋停海努克建城議二十七年於固勒

札建寧遠城高一丈六尺周四里七分門四東景旭西環瀛南嘉會北

歸極城外東北隅半里許沙阜上恭建平定準噶爾勒銘伊犁前後碑

二通碑為乾隆中聖製前碑曰惟天盡所覆俾我皇清罔不在

克臻世祖肇基宅中皇者其武聖祖世宗觀光揚烈

何自外攜數世梗化篡奪相仍碩仇其下厥達瓦齊甚毒於醒衆心

疾如苗斯蠹如虺斯蝮眾口嗷嗷視爾敷止子焦勞止期救不崇朝止

命勁旅攜數月糧毋或掠擄師行時雨王旅暉暉亦無潦阻左旋右抽

王旅渾渾既暇以休烏魯木齊及五集賽度之折折台吉宰桑迎降恐

塗窮回部遮獲彼鼠斯喙地入無隙露布飛至受俘午門爰貸其罪自

今伊始四部我臣伊犁我宰桑公臣屬我旗籍誰汝苦辛爾恭爾長爾

可汗爾徐以教養爾駝爾牛羊爾馬畜牧優游分疆各守毋相侵陵

錫伊犁乎矣勒貞珉矣於斯萬年矣後碑曰天之所培者人雖傾之不

可極也。天之所覆者人，雖裁之不可殖也。嗟汝準噶爾，何狙詐相延，以世而為賊也。強食弱，眾凌寡，血人於牙而蔑知俊易也。云興黃教，敬佛菩薩，其心乃如夜叉羅刹，以人為食也。故罪深惡極，自作孽難追。活也，先是分封四部，眾建宰桑，四圖什墨，廿一昂吉，蓋欲繼絕舉廢，以休以息也。而何煽亂不已，焦爛為期，終於淪亡，胥盡伊犁，延袤萬里，寂如無人之域也。是非我佳兵，不敢以殺為德也。有弗得已耳。西師之付實紀其詳悉也。以其反覆無常，遲益久而害益深，則其叛亂之速未嘗非因禍而致福也。是蓋天祐我皇，清究非人力也。伊犁既歸，版章久安，善後之圖要焉。已定者，詎宜復失也。然屯種萬里之外，又未可謂計之得也。其潛移默運，惟上蒼鑒之。予惟奉時相機，今日之下，亦不敢料以逆也。是平定準噶爾後，勒

城中置第三品阿奇木伯克一人，轄回民六千三百八十三戶，除服役採鐵凡田者六千戶。乾隆三十八年，將軍伊公勒圖分六千戶為九屯，戶納糧十六石，歲以九萬六千石為額。五十九年，將軍保公寧以回民墾田日增，歲加納糧四千石，每戶額徵糧十六石六斗六升六合六勺，有奇。嘉慶九年，將軍松公筠撥遣屯田給回民歲加納小麥二千石，所屯田自寧遠城北迤東至都爾伯勒津莊，又

河南傍南山陰，皆回屯也。

又西過熙春城南。

熙春城者，地曰哈喇布拉克。乾隆四十五年，將軍伊公勒圖建城高一丈，周二里二分，門三，東覲恩，西凝爽，南歸極屯鎮，都司駐之。東南距寧遠城十里，寧遠城北百餘里有關里沁山，關里沁水發焉。東距濟爾噶朗河五十餘里，水南流經關里沁卡倫，北折而流經其西。卡倫在惠寧城東北三十餘里。西南流經舊渠口舊渠者，關里沁水故道至此分為渠，東南接濟爾噶朗水，以溉其莊田。自霍什納札特引哈什河水西北接濟爾噶朗渠，以灌關里沁之百五十戶回民田，而斷關里沁渠口，使其水惟西南流。專達惠遠，惠寧二城旗屯焉。關里沁水西南流分二支，一支南流為沙河，經惠遠城旗屯二工田，東又南流經寧遠城西里許，由大馬廠地名滙

大河一支西南流為正渠至惠寧城東北分二渠北渠經惠寧城旗屯北既其田而止南渠經惠寧城旗屯南復自城北入其城而止正渠又南經惠寧城東分一渠南流既熙春城綠營頭屯田而止正渠又折而西經惠寧城南又西經阿奇烏蘇堡北達通惠渠熙春城西北十里至惠寧城

又西過惠寧城南

惠寧城者地曰巴彥岱乾隆三十一年將軍明公瑞建城高一丈四尺周六里三分門四東昌彙西北豐南遵軌北承樞其東墉下有水泉城屢圯嘉慶十年松公筠向西移築南北各接築百九十五丈新築西面三百丈凡城周千三百六十四丈南北偏西增城門二西北曰綏威西南曰協阜在惠遠城東北七十里乾隆三十五年移駐西安滿洲官兵

二千二百有四人置領隊倉員各一人明年將軍舒公赫德復移綏定

城巡檢駐惠寧城城南距河三十里城北為阿里瑪圖山

果樹謂果樹地有阿里瑪圖水發焉是為東阿里瑪圖水曩者水達伊犁河今引既惠

寧城西旗堡田無餘水乾隆二十八年秩祀阿里瑪圖河

灌溉屬塔勒奇之左幹帶水分流環海努克之西偏平沙交錯涵濡嘉

植千林呈離實之英迴抱長川萬井沐滋培之益地靈克効祀事孔將

朕既顯武功用敷文命東風受吏聿彰柔遠之謨溟海來王共叶安瀾

之慶緬神功之布潤蔚物產之含滋秋實春華平衍溥自然之利濟川

作楫利涉占攸往之宜特詔祠官祇申歲祀錫鴻儀於望秩

肅薦馨香荅靈貺於元冥永光俎豆春秋勿替昭鑒在茲

阿里瑪圖水東闢里沁水西曰毛海圖山亦有水南流而止毛海圖山北數十里

為庫克哈瑪爾將軍牧場也庫克哈瑪爾水流不出山而止又北八十

里至畢齊克圖其水亦不出山而止又北為卻羅嶺嶺北與瑚素圖布

拉克軍臺相望也

又西過黃草湖南醜為惠遠城旗屯渠

黃草湖在惠寧城西十里湖周五六里旗屯渠者一曰大渠一曰通惠渠嘉慶七年將軍松筠以惠遠城八旗生齒繁富須議恒產而經費有定非廣闢屯田不可遂於黃草湖鑿渠引伊犁河水北流折而東又折而西凡二十五里經澇壩灣又西數里至爬梁為大渠經鑲白旗地界北溉其田又西經稻田北溉數萬畝又西至雙橋莊惠遠城東十里分為二支渠一引餘水自惠遠城東匯於河一引水至惠遠城北入城而止稻田之南為民渠於惠遠城東十餘里河岸引水疏為渠渠南為民稻田其渠餘水與大渠餘水同匯於河民稻田者乾隆二十八年商民張尚義等二百戶報墾蔬地稻田萬六百六十八畝每畝徵課銀一錢余嘗夏秋之間往來惠寧路經渠畔左右水田新禾穠稔賓鴻白鷺遠近翺

翔宛成江鄉風景矣鑿大渠之明年松公筠復以地勢北高南下大渠

之北水利難資因令總兵納爾松阿於爬梁分水北流至皇渠橋距澇壩灣

十里又北而東至紅柳灣距皇渠橋八里折而西至小地窩鋪距紅柳灣十里溉大渠以

北之田是曰通惠渠土人謂大渠為將軍渠通惠渠為鎮臺渠云通惠

渠又西至惠遠城北與烏哈爾里克河渠匯

又西過阿奇烏蘇堡南

黃草湖水流十里經阿奇烏蘇堡南阿奇烏蘇者惠遠城旗屯公田也嘉慶二十年松公筠所建築堡牆周千一百二十四丈共三里一分有奇堡中廬舍百所移八旗壯丁居之每夫授田百畝仿古井田制也堡南距河十里

又西過烘郭爾鄂博山南

作嘛知文殊之護法神三日嘛哈噶喇四日喇嘛皆觀音化身五日威
 又叭喇六日滋那迷喳七曰嘛基阿拉喳八曰冬現著薩九曰生合冬
 東十日出孫冬東十一曰薩拉瓦十二曰摸黑皆觀音之護法神惟厄
 利汗薩拉瓦為牛鹿假面餘皆不可辨格隆十人扮十地菩薩錦衣花
 帽繼之而出手執腦骨椀枯體棒叉杵綵縷等物旁立番僧數百人
 持鼓與斂鼓斂之徐疾隨其跳舞之節奏尺巴甘赤吳巴什夫婦執香
 環遶溫則忒宜開經偈眾僧朗誦秘密神咒聲如雷鈴聲如雨喇木
 占巴以胡朗叭令擲於地於是牛鹿二假面持刀斫地作殺鬼狀復有
 一僧曰乃沖戎衰執戟吐火吞刀云神附於身觀者皆膜拜奉界單
 於神以問休咎跳舞畢格由巴以糖一鉢候於戶抹眾僧之口而佛事
 終焉余詢之譯者云烏斯藏有碉房為邪祟所據白晝攫人飲食喇嘛
 乃扮假鬼飲食於房中以誘真鬼因扮諸佛排闥以入而打之故名之
 曰打鬼今京師番僧寺上元除夕亦為河逕寺八里為惠遠城極四十
 之蓋猶周禮帥百隸以時儼之意也

三度五十分西三十五度強乾隆二十八年將軍明公瑞奏言烏哈爾
 里克新城僅敷現在官兵駐劄惟近城三四十里伊犁河岸高阜之上
 可築大城所用木植有阿布喇勒山松杉甚多預行斫伐從哈什空格
 斯等河造筏直至城工對岸且在新城及固勒札回城之間糧運亦便

地既產煤又採柳條蘆葦柴薪不乏踰年城成高一丈四尺周一千六
 百七十四丈共九里三分門四東景仁西說澤南宣闡北來安五十八
 年將軍保公寧於城東展築二百四十丈共一里三分三釐有奇新舊
 城共十里六分三釐自乾隆二十七年始置將軍參贊各一人二十九
 年置領隊四人三十一年移熱河涼州莊浪滿洲蒙古官兵四千三百
 七十人又迭置理事撫民同知倉員巡檢新疆之都會也城南距河二
 三里積年河徙侵刷北岸率以柳圈絡石禦之水長輒壞河距城僅半
 里許嘉慶十二年松公筠命故河道總督李亨特相度形勢創築挑水
 土壩長六十餘丈底寬七丈頂寬四丈迎溜築埽鑲護水至掛淤土人
 命為李公隄閱十年河流愈北侵齧堤根而城東二里有地名磚瓦窰
 者河於其處衝岸成灣水勢趨城東南隅二十二年盛漲驟至李公隄

全淪於河臨河有高樓紅欄碧玉俯瞰洪濤糧艘帆檣出沒其下南山
雨霽沙市雲開酒榭茶鎗賦詩遣悶蒼茫獨立興往悲來乾隆中惠遠
城駐防鳴鐸見樓岸下有穴發之得銅佛八九枚瓦佛數千或以爲阿
睦爾撒納擾伊犁時喇嘛所藏未知其審入宣闔門西走南墉第三舍
爲余老芙蓉庵成館讀書擊劍對酒狂吟因作新疆賦也昔紀文達公
云伊犁無井皆出汲於河一佐領曰城中多老樹苟其下無水樹安得
活乃拔木就根下鑿井果得泉今城中處處鑿井與草昧時異
又西烏哈爾里克河注之

烘郭爾鄂博山層疊而北迄於卻羅嶺凡百二三十里卻羅嶺西接塔
勒奇嶺乾隆二十年定邊左副將軍阿睦爾撒納疏報有額林哈畢爾
噶宰桑阿巴噶斯等來降詢知去年十月巴特瑪車凌句額林沁句阿

布賚領厄魯特哈薩克兵萬餘將博羅塔拉等處游牧人衆盡行搶掠

阿布賚於塔勒奇嶺東將擄掠人帶回巴特瑪車凌額林沁帶兵四千

餘入伊犁達瓦齊拒之所謂塔勒奇嶺東即接卻羅嶺處也塔勒奇嶺

爲伊犁北境門戶乾隆二十八年始秩祀文曰惟神保障金方安敦兌

聯北渚迴環俯水之摩多錦簇源泉有本開一鑑於峯頭烟火相望聳
孤城於遙岸形勢冠絕域典物錫以隆文朕遠服咸賓西戎即叙壺
漿載道受蕃長之來降旗鼓分馳擒叛臣之往竄默孚神貺迅奏膚功
設百雉之雄關弓懸新月導雙流之谷口馬飲清泉爰錫廐縣用申望
秩屆春秋而頌帛慶雉譯之咸通誼辛甲以
薦馨保鴻圖之常固尙其昭鑒永克歆承山有谷十餘東南向皆有

水南流最東谷曰石門溝在綏定城東次西二十里曰香房溝其谷民

田二十餘戶又西十五里曰燒房溝其谷民田五十餘戶又西二十里

曰白楊溝其谷民田八戶又西八里曰新溝其谷民田六戶各以溝水

溉之餘水皆南匯石門溝水石門溝水又南流經中營二屯地沙喇布

拉克水自西北來匯其水五泉並發同南流五里經沙喇布拉克卡倫

東沙喇布拉克軍臺西又東南流經席其臺南西陽雜俎云席其一名塞蘆引古詩千里席其

草又元稹代書詩自注云予以席其草籌嘗在書囊以佐飲備按席其即漢書西域傳之白草西域處處有之今人猶或用以為箸俗呼為集

吉草又曰芨芨草皆席其字誤也其叢生根蟠大處曰臺凡二十餘里匯石門溝水水又南流至綏

定城東北右分爲渠渠西南流分爲二支一支經其城北繞城西南溉

營屯田一支經城東分水入城復南流經演武場而止綏定城者乾隆

二十七年參贊阿公桂所建地曰烏哈爾里克準語烏哈爾鷺鷥也東

南距惠遠城三十里城高一丈七尺周四里三分門三東仁熙西義集

南利渠北故有寧漠門今已塞伊犁自乾隆二十五年置屯鎮總兵官

轄綠旗兵以綏定城爲中營四十五年增置綏定城巡檢一人越三年

置倉員一人石門溝水經綏定城東是爲烏哈爾里克河乾隆二十一

年定西將軍策楞奏臣領兵至博羅布爾噶蘇今聞阿逆自烘郭爾鄂

博帶兵往烏哈爾里克擊諾爾布臣等若由博羅布爾噶蘇大路前進

恐賊易於知覺是以仍從山內閒道行向烏哈爾里克往襲即河所經

也河自綏定城東乃左分爲渠渠東南流十餘里至紅山嘴礮廠溝分

爲二支一支東南流溉旗屯田餘水匯通惠渠一支溉莊世福四十八

戶田分餘水達惠遠城伊犁旗屯營屯四屯之外有客民報墾者曰戶

屯始自莊世福乾隆三十七年莊世福等四十八戶墾田千四百四十

畝三十九年張成印等二十三戶墾田六百九十畝四十六年王已興

等三十戶墾田九百畝每畝皆徵課銀五分自惠遠城至綏定城甬道

三十里榆柳交陰甬道之東紅山之西即四十八戶田一望平疇隱藏

村落熙熙皞皞太古成風渠近城北十里清流千章古木芳園桃杏丙

舍松楸黃葉尋詩蒼庚送酒春秋佳日聊以寫慰烏哈爾里克河由綏定城東復南流八里經將軍橋下東西流二十餘里於惠遠城西里許匯伊犁河

又西過塔勒奇城南烏里雅蘇圖水注之

塔勒奇城者以山名之也城在山南百里乾隆二十六年阿公桂所建高一丈周一里五分六釐門三無名嘉慶七年北面展築四十丈二十一年東面展築三十丈共三里八分東距綏定城十里北距廣仁城五十里屯鎮守備駐之四十八年置倉員一人新溝之西二十餘里曰果子溝谷長七十里北有峻嶺扼之嶺上多松名曰松樹頭嶺嶺東有泉曰察察布拉克西流至谷中有紅水泉發自松樹頭嶺下來匯谷西山亦有水曰烏蘭烏蘇東南流來匯同南流經鄂博勒齊爾軍臺西

軍臺西距松

樹頭三十里

有烏庫爾齊布拉克水由東來匯又南流有烏博勒齊爾水由

西來匯凡三十五里經塔勒奇卡倫西又南流三里有將軍布拉克水由東來匯又南流二里經塔勒奇阿璪軍臺東又南流里許達谷外奔湍迅急聲聞數里谷中跨水架橋四十有二峭壁夾路蒼松據崖山鳥飛鳴林木陰翳人伊犁者驛程經此塞沙眯目頓覺清涼迨乎初冬雨雪填谷行蹤斷絕又以是為險隘也元長春邱真人西遊記云沿天池南下左右峯巒峭拔松樺陰森高踰百尺自巔及麓何啻萬株衆流入峽奔騰洶湧曲折灣環可六七十里二太子扈從西征始鑿石理道刊木為四十八橋橋可並車薄暮宿峽中翌日方出入東西大川水艸盈秀天氣似春稍有桑棗按今伊犁絕無棗樹蓋四十八橋其來已舊今因其遺址為四十二橋彼土不知遂謂前將軍保文端公所規憐於訪古矣水於

谷外南流經左營四屯地溉其田凡四十里經廣仁城東廣仁城者地
 曰烏克爾博羅素克乾隆四十五年將軍伊勒圖建城高一丈三尺
 周三里六分門三東頭輝西迎灑南溥惠南距綏定城六十里屯鎮左
 營駐之城南為沙梁果子溝水經沙梁東至東山灣有中營頭屯泉由
 西來匯又南流達於磨河磨河者烏里雅蘇圖水也當廣仁城西三泉
 並發南流經沙梁西由其南分為二支東支東南流經中營頭屯地南
 塔勒奇頭屯地北果子溝水來匯是為磨河天山客話云綏定河出墨
 花魚余訪土人蓋磨河所產是曰磨河魚音訛墨花也磨河又南流經
 破城東破城在塔勒奇城正北五里許垣墉之跡已不可辨而剷地者
 多得明珠瑟瑟之屬余特往遊見荷鋤者踵趾相接殘瓷斷瓦五色瑠
 璃布散徑路有得碎瑪瑙者上縷細字近於回部書文獻無徵莫知其

由磨河折而西經塔勒奇城西北瀦水為水磨又南流經皇渠西斷坡

曲岸細柳新蒲小渚潌回自成幽境又南三里許積為小湖周可里許

臨湖西岸故江南鹽巡道朱爾賡額字白泉詩人築成館於此名曰且

園園中有樓曰面面山樓余集陶淵明庾子山句為樓楹聯曰方宅十

果樹榆柳可百餘株園中裂畦布種鶯粟繁如雲錦余嘗信宿茲園壺

觴負日夕陽西下散步水濱晝雁鴛鴦衝烟拍水有細魚四腮如鱸溯

流舉網藉艸以觀磨河又南流溉戶民田餘水匯伊犁河烏里雅蘇圖

西支水南流經東十戶地之東又南流經塔勒奇草湖西溉塔勒奇頭

屯田又南流為頭道河匯於伊犁河頭道河東去塔勒奇城十里塔勒

奇城西北五里有草湖周十餘里諺曰亂泉子當破城之西烏里雅蘇

圖西支水之東湖中湧泉引以南流為皇渠亦溉塔勒奇頭屯田又南

午貫磨河蓋剝木爲長槽架於磨河水南北接渠口使水由槽中行不與磨河亂土人謂之橙槽余檢薛居正舊五代史有橙槽門是知其法舊矣渠水南流二十餘里經大榆樹莊東又南流阻沙山折而東流疏爲支渠西溉惠遠城正紅旗屯東溉鑲紅旗屯而止

又西莫霍圖河注之

果子溝西十五里曰大東溝又西十里曰小東溝又西二十里曰小西溝又西五里曰苜蓿溝又西五里曰大西溝小東苜蓿二谷中各有客民一戶田諸溝水皆南流惟小東溝水達山外溉戶屯而止四谷之水各南流溉左營三屯田而匯是爲莫霍圖河凡塞水濫觴谷中大氐雪汗也魏崔浩之駭李順曰雪之消釋僅能斂塵不得通渠溉灌浩之耳聞固不如目見矣莫霍圖河南流復分爲三支西支經右營二屯地而

南中支經右營頭屯地又南經西十戶地之西又南左右各匯一泉又南流與西支匯東支南至瞻德城東門外有泉來匯瞻德城者地曰察罕烏蘇乾隆二十五年阿公桂疏定伊犁建置事宜云伊犁田地肥沃無過察罕烏蘇可建一小城以遏哈薩克布魯特由伊犁河北來往之路是也築城議久寢至四十五年伊公勒圖始建城高一丈三尺周三里六分門三東升瀛西履平南延景屯鎮右營駐之東距廣仁城二十里西南距拱宸城七十里大東溝水既匯其城東泉南溉右營頭屯田凡十餘里而與中西二支匯三水既同是爲二道河東距頭道河十里黏天白草環帶叢薄雉兔之所潛匿每歲孟冬將軍校獵自頭道河至三道河止謂之小圍甲戌之歲稷雪初飛木葉盡脫朱白泉邀余射獵嗾犬呼鷹豪氣百倍二道河又南流入於伊犁河

又西察罕烏蘇河注之

大西溝之西二十餘里曰察罕烏蘇溝塔勒奇山至察罕烏蘇溝而盡
察罕烏蘇水自溝南流分爲東西二支每支又各分爲二四水南流復
匯爲二惟東第一支有泉自西匯之東支南流是爲三道河西支南流
是爲花牆爾水皆入伊犁河花牆爾水東距三道河十餘里三道河東
距二道河二十里東支所經者右營二屯地西支所經者右營三屯地
兩支之間右營四屯地乾隆二十年定邊左副將軍阿睦爾撒納奏言
傳聞哈薩克至伊犁將回衆所種穀麥搶去現在察罕烏蘇之伯勒齊
爾蒙古語伯勒齊爾水合流處也居住卽此水匯流處也亦曰古爾班察罕烏蘇二十
八年入秩祀文曰惟神敷澤遐方分流絕微波心澄澈鋪一片之白銀
天色空明映千層之素練沃野則霍集格爾繡壤毗連遠
峯則哈喇古顏翠屏環抱湖源有自利涉攸資朕統馭八紘宣昭七德
設埃流沙以外載拓堯封旆兵瀚海之西遠恢周索神効靈以俟應天

助順而成功惟茲察罕之川近在伊犁之域當王師之度漠相予宏勳
泊都護之屯田溥茲美利土膏滋液應坎德以濟生民水氣和甘徧兌
方而宜渥惠爰稽典故載蕭常禋奠玉幣以孔虔秩春秋以致告吉蠲
將事列四瀆之崇班肝蠶丕昭錫千秋之繁祉庶希鑒格永祚塞垣
又西過拱宸城南和爾郭斯河注之

察罕烏蘇溝西三十里爲阿里瑪圖溝山皆平阜與塔勒奇嶺相屬水
達谷外南流漑回屯田又南經正白旗達呼爾營東又南至一間房地
而止是爲西阿里瑪圖元史載畏兀兒地第二十九阿力麻里卽阿里

瑪圖之異文也阿力麻里亦曰葉密里耶律希亮傳作葉密里憲宗紀
作葉密立脫力世官傳作渴密

里初爲定宗潛邸湯沐邑後爲定宗子宗王火忽分地見耶律希亮傳

元太祖先定東土故太祖子孫多封於東今內扎薩克中之四十五旗
是也至太宗以下子孫則多封於西故阿力麻里爲定宗子分地海都
篤娃得分據金山南北也或以爲諸王海都分地非也阿力麻里爲海
元史謂之東諸侯西諸侯志然考之月赤察兒傳海都分地近金山地理志又言阿
力麻里在北庭之西北四五千里世祖紀復言阿力麻里地在和林北

按元之和林在今喀爾喀三音諾顏之東界阿力麻里當和林之西南其去北庭亦僅三千餘里蓋作史者不審地里語出臆度不足為據至元五年海都叛舉兵南來世祖逆敗之於北庭又追至阿力麻里則又遠遁二千餘里上令勿追以皇子北平王南木合建幕庭於阿力麻里鎮之十四年八月諸王昔里吉與脫脫木兒句雙木忽兒句撒里蠻等劫北平王械繫右丞相安童以叛使通好於海都海都弗納撒里蠻亦悔過執昔里吉等北平王遣札刺忽以聞二十一年三月北平王歸自阿力麻里安童繼至蓋海都分地在金山西南當阿力麻里之北昔班傳云海都叛世祖命昔班諭之海都聽命退軍置驛而丞相安童軍先已克火和大王部曲盡獲其輜重海都懼火和大王即宗王火忽海都地鄰火和懼安童乘破竹之勢侵軼彼疆激而作亂西北諸王自此不靖垂五十年是則安童實為戎首元史無海都諸王傳安童傳復深

為之諱訪古料今足明始末地舊有城城北有關元劉郁西使記云西南行二十里有關曰鐵木兒懺察守關者皆漢民關徑崎嶇似棧道出關至阿里麻里城市井皆流水交貫有諸果惟瓜蒲萄石榴最佳回紇與漢民雜居其俗漸染頗似中國又長春真人西遊記云辛巳九月二十七日自阿里馬城鋪速滿國王暨蒙古塔刺忽只按即達魯花赤領諸部人來迎宿於西果園土人呼果為阿里馬蓋多果實以是名其城其地出帛曰禿鹿麻所謂種羊毛織成者長春之歸自行在也於壬午四月五日自至阿里馬城之東園二太子之大匠張公請渡河不果蓋地多果樹故有東西兩園陵谷變遷不知其處阿里瑪圖水故道入伊犁河今溉田無餘水阿里瑪圖溝西十五里為滾壩溝科河發焉河自山南流五里右疏渠一溉營屯頭工田左疏渠一回民潴為水磨又南半里經故

回部王吐呼魯克吐木勒罕墓西回人庫魯安書云其部初有女子曰阿郎固庫勒魯者天帝使一丈夫向女吹噓白氣感而有身生子曰麻木哈伊項爲回部王傳至三世習蒙古法又傳十四世爲吐呼魯克吐木勒罕年二十二嗣爲國主後二歲獵於阿克蘇遇回人授派噶木巴爾法返伊犁又有回民七人者來教其部衆遂盡返舊俗在位十年卒有滿克國回部長以橐駝四十負滿克國土爲建此塚覆以碧琉璃刻墓門識營造之年至今嘉慶二十五年凡四百七十四年推以彼術三十年積一萬六百三十一日則四百七十四年當積一十六萬七千九百六十九日又十分日之八以歲實約之得四百五十九年又三百二十三日太半日從今庚辰逆數之蓋建於元順帝至正二十年庚子歲也墓旁土中多金銀銅三種錢皆無輪廓肉好面幕有字不可識銅錢

至薄大如宋當百錢銀錢至小如王莽直一而稍厚金錢薄如銅錢大

如開通元寶錢科河經墓西

西南距拱宸城二十餘里

分二支左支經鑲白旗達呼

爾營東東距阿里瑪圖河二十里右支經鑲白旗達呼爾營西達呼爾者索倫部之右翼也謹按一統志云索倫達呼爾二部居額爾古納河及淨溪里江之地與羅剎接境自順治五年其佐領阿濟布入貢始內屬駐牧黑龍江乾隆二十九年移其部官兵千十八人駐伊犁置領隊一人轄之左翼四旗逐水草爲索倫在奎屯河撒瑪勒河岸右翼四旗廬舍居爲達呼爾在和爾郭斯河科河岸科河左支經達呼爾營而止右支經達呼爾營至拱宸城東二十里其處架橋往來所渡也又南流溉戶田而止拱宸城者卽和爾郭斯城也乾隆四十五年將軍伊公勒圖建在塔勒奇城西八十里城高一丈七尺周三里七分門三東寅暉

西遵樂南綏定屯鎮參將駐之是年置巡檢一人城西二十餘里為和爾郭斯河發自北境松山南流左疏渠一。既營屯二工田。潴為水磨右疏渠一。既營屯三工四田。和爾郭斯河又南流左疏渠一。渠東南流經拱宸城西分為二支。東支經正藍旗達呼爾營東西支經鑲黃旗達呼爾營西兩營之北沙山中湧泉滙為淖爾周十餘里。萑葦叢生豪豬所聚也。在拱宸城西南五十里。西支渠經淖爾而止。東支渠經淖爾又南分為二支。左支既正藍旗達呼爾田。右支既鑲黃旗達呼爾田。至沙山而伏。乾隆二十一年定西將軍策凌奏言。扎薩克鄂諾錫告稱。阿睦爾撒納掠伊游牧。伊即至和爾郭斯。正值哨探大兵。遂與諾爾布等會合。占據津梁。阿睦爾撒納不能渡河。依沙岡自守。即此沙山也。和爾郭斯河又南流經拱宸城西。和爾郭斯安達拉卡倫東是為渡口。乾隆二十三年大

兵剿厄魯特餘黨。布庫察罕聞大兵至。越塔勒奇與哈薩克錫喇會策布登扎布追至和爾郭斯河。即奪渡過河。賊已遷移游牧山上。餘衆不多。官兵四百餘名前進。忽伏賊千餘。突出官軍分為三奮力迎射。格鬥良久。賊始奔潰。和爾郭斯河又南流。右既鑲黃正藍二旗達呼爾田。又南流入伊犁河。乾隆二十八年入秩祀。文曰維神德配元冥位居兌澤播土膏之沃衍利濟成昭潤絕域之奧區盈科有漸達洪波而遠邁直接伊犁滙眾派以支分近聯車集湖靈源之溥博錫祀典以輝煌朕康又西睡蕩平朔漠剪準噶爾之餘孽勢失負嵎倖渥緒特於重圍計窮飛渡惟神功之設險乃小醜之削平穹廬傳鶴唳而先驚逆酋亡命士馬挾風濤而俱迅王旅奮威久修典禮於祠官用薦馨香於望秩尙其昭鑒將以苾芬

又西都爾伯勒津喀喇烏蘇注之

和爾郭斯河西六十里為車集河源。源發自北山。南流經正黃旗索倫界東而伏河之委。東距和爾郭斯八十里。與和爾郭斯河同入秩祀。文曰

惟神導源西極疏派北庭抱巖谷以奔趨莫禦激湍之勢溉土田而衍沃聿宏潤物之施細浪翻銀脈絡遙連乎察罕長虹飲練尾閭下注乎伊犁禹迹未通靈境軼大荒經外堯封新拓嘉名補王會圖中朕撫育寰區枚寧邊徼武功丕振全收葱嶺之河屯政肇修遠引蒲昌之海惟名川之用涉宜昭報之有功承坤德以流甘位兌維而布潤往歲六軍飲馬式彰呵護之靈今茲重譯款關胥受懷柔之化爰崇明祀特敕所司陳璋邸以升馨潔彝尊以致告澄波淼淼永環都護車集河西四十之城流水泱泱遙繞祁連之嶂益甄靈貺尚鑒精誠

里為齊齊罕河源源發自北山南流東疏渠一又南流東西各疏渠一東渠南經齊齊罕安達拉卡倫西止不流西渠南經正紅旗索倫界西止不流乾隆二十三年定邊將軍兆公惠奏言策布登扎布在和爾郭斯擊敗賊衆臣卽晝夜前追賊人蹤跡四散侍衛老格在齊齊罕河剿賊百餘人河又南流而伏河之委東距車集河二十里齊齊罕河西三十里為撒瑪勒河源源亦發自北山谷長百里流泚涓涓當暑清涼草深沒馬水出谷南流經鑲紅旗索倫界東東距齊齊罕河十五里乾隆

二十三年參贊富公德敗哈薩克錫喇於博羅呼濟爾嶺哈薩克錫喇自撒瑪勒河向伊犁逃去河又南流達葦蕩撒瑪勒河西十里為奎屯河自北山南流入夏暴漲涉者往往滅項南流達葦蕩葦蕩者卽撒瑪勒奎屯所鍾之澤東西百八十餘里南北八十餘里是曰都爾伯勒津喀喇烏蘇澤中洲方四五十里有隴畝遺跡澤南薄沙山山外卽伊犁大河都爾伯勒津喀喇烏蘇於南面溢水穿沙山斷處入伊犁河乾隆

二十八年秩祀撒瑪勒奎屯二河祭撒瑪勒河文曰惟神靈源夙著渥之別派遙岑北拱萬疊雲連大水南環千條練瀉巨神舉而利濟滋絕域以含膏莫彼迴瀾昭茲秩祀朕誕敷文德式廓輿圖輯部落於荒陬功惟作潤軫羣黎之日用期以飲河惟坎功之用涉咸昭斯戊校之開屯有藉遣專官以致享典肅春秋酬靈貺而告虔吉諏辛甲奎屯上下益恢聲教之隆車集東西共受明禋之賜神其昭鑒薦此椒馨祭奎屯河文曰惟神衍派天山導源月窟湛然無滓性殊湯谷之温注焉不盈德比寒泉之食波成紋而曲折下注伊犁水如鏡以澄明近鄰車集功惟潤下勢欲朝宗洵神應之聿昭宜吉蠲之罔替朕并包九宇戡定二

庭路逾弱水之西王鈐遠授地盡河源之外戊校新屯乃咨都護之臣
肇舉名川之祀穿渠引水灌溉之利攸資剗木乘桴濟涉之功尤遠自
古坂章未闢不登裴矩之圖於今中外為家合補鄜元之注清醪載酌
制帛爰陳康我塞垣永作渠搜之襟帶昭茲功德長歆嗣歲之馨香式
薦苾芬庶
希鑒格
奎屯河西三十里為圖爾根河源源發自都蘭哈喇山東流

折而南達山外南流二十餘里經齊齊罕卡倫西又南二十里經和爾
郭斯卡倫西又南經鑲藍旗索倫界西其流處東距奎屯河二十里又
南達小葦蕩小葦蕩東西七八里南北十許里在都爾伯勒津喀喇烏
蘇西北二十餘里

又西喀喇河注之

自齊齊罕卡倫傍圖爾根河北行踰河東岸小山梁凡三十里至奎屯
卡倫乃西北行經圖爾根河源北岸山陰凡三十里至博羅呼濟爾卡
倫又西南行經都蘭哈喇山陰一百二十里至山之西麓為喀郭羅鄂

倫卡倫

卡倫南距伊犁河八十里

索倫界至此止卡倫外則哈薩克境也崆郭羅鄂

倫卡倫西北四十里有洮賴圖水發自北山南流又西五十里有喀喇

河發自庫隴奎山

準語庫隴奎寒也山徑多寒故名舊作庫隴癸

聖製有庫隴癸之戰詩

東麓乾隆二

十三年定邊將軍兆公惠奏言臣等於三月十五日據侍衛占丕納報

稱行至哈套

蒙古語哈套堅也山多堅石故名

晚見烟火移入庫隴奎山口隨捉生詢

問知布庫察罕敗逃後有喀喇沁宰桑恩克圖

多果魯特宰桑布圖

庫句噶勒雜特宰桑特克勒德克句阿勒塔沁宰桑塔爾巴等領二百

餘戶欲渡伊犁有伊等游騎探知大兵已至遂移往庫隴奎山險藏匿

臣兆惠巴祿色布騰巴爾珠爾温布領兵一百人入庫隴奎山口策布

登扎布領兵一百名遇阿勒坦額墨勒與富德羅卜藏多爾濟鄂博什

從後掩擊臣兆惠伏兵山背於五鼓直前掩襲行未二里抵賊游牧我

兵即呼噪叢射賊眾驚竄值大霧迷漫賊棄其帳房器物赤身乘馬逃
 據山嶺放鎗滾石相拒我兵奮前攻擊侍讀學士職銜溫福副將高天
 喜各攜一礮奔赴高山擊殺山上賊眾色布騰巴爾珠爾得烏鎗傷鉛
 子從腋透出因達什策凌應援得脫藍翎侍衛伍岱射恩克圖直貫其
 項獲之阿勒坦額墨勒者即阿勒坦額墨勒都圖山也喀喇河南流左
 匯洮賴圖水西南流五十里有塔奇爾罕布拉克水由北來匯又西南
 六十里經阿勒坦額墨勒都圖山陽其山水由北來匯乾隆二十八年
 祀阿勒坦額墨勒都圖山文曰惟神鎮定邊隅莫寧朔漠東接格登之
 險疊嶂岩巖南通莎嶺之雄堆雲峭崿坤元
 叶吉色偏應乎乾金艮止常安位乃居於坎水洵伊犁之保郭宜禋祀
 之優崇朕撫卹準夷綏來蕃部自古職方有典未服懷柔於今王會新
 圖如親刊旅惟茲山之雄峙為絕域之殊觀襟帶環流束銀濤於車集
 屏藩拱列連碧嶽之和羅特詔祠官用頒制帛牲牢具備遙申徧望之
 誠俎豆維馨永著廢縣之
 典神其來格鑒此明禋喀喇河匯阿勒坦額墨勒都圖山水復西南

流二三十里經薩爾塔罕山東折而東南流數十里入於河

又西察林河從南來注之

格登山北八十里之達布遜淖爾周數十里淖爾南曰畢爾巴什山其
 東曰伊什噶爾迪山其西曰巴彥聚爾坤山環淖爾三面淖爾之東北
 曰珠爾根察奇爾有泉發焉西流經淖爾北是為鹽池口水又西流經
 鉛廠南乾隆三十一年將軍明公瑞始置鉛廠於雅瑪圖嶺歲採鉛六
 七千觔至萬餘觔運寶伊局之餘為軍火鉛九六十年將軍保公寧以
 出鉛漸少移廠於厄魯特游牧察奇爾山陽即今廠也山之北麓有城
 寺遺址鉛廠南行五十里至鹽池口水北岸鹽池口水又西流數十里
 沙喇雅斯水由南來匯水發自沙喇雅斯嶺納木扎勒齊素隴傳云附
 布乾隆二十年納木扎勒齊素隴偕同部貝子車布登扎布等追達瓦

齊至沙喇雅斯嶺是也嶺在冰嶺西與特克斯河源相近水達山外北

流經沙喇雅斯卡倫東卡倫東南至特克斯塞沁卡倫七十里又北流經鄂爾果珠勒山

東山有水來匯山之西置卡倫鄂爾果珠勒卡倫東南距沙喇雅斯卡倫六十里通善塔斯嶺

也鄂爾果珠勒水東流匯沙喇雅斯沙喇雅斯挾以北流達鹽池口水

鹽池口水西流四五十里經格根卡倫北格根明也見元史語解格根卡倫東南距鄂爾果珠勒卡倫七十里是為格根河又西流四十餘里哈爾奇喇水來匯水發自鄂爾果

珠勒山南五十餘里西北流經哈爾奇喇卡倫北卡倫東距沙喇雅斯卡倫七十里又

西北流南匯尼楚亥哈爾奇喇水折而北流經齊齊罕圖小卡倫東

格根卡倫六十里匯於格根河格根及哈爾奇喇水側嚮為東布魯特牧地準

噶爾侵軼故西遷焉格根河西北流四十里經哈爾罕圖小卡倫東

距齊齊罕圖小卡倫五十里有古爾班伯爾克水由西南來匯格根河又西北流經

扎拉圖卡倫西南至哈爾罕圖小卡倫六十里又西北流五十里經額爾格圖卡倫西

折而東北流四十里經鄂博圖卡倫西又折而東流五十里經雅巴鄂

爾圖卡倫北有雅巴爾布拉克水經卡倫東來匯格根河又東流六十

里有特穆爾里克河由南來匯特穆爾里克河發自察奇爾山陰西北

流經特穆爾里克卡倫北折而北流九十里匯於格根河二河匯處置

渡口卡倫焉惟格根時涸無水河經卡倫復東北流是為察林河凡四

十里至察林渡口乾隆二十三年定邊將軍兆公惠奏言昂吉岱自去

年從阿圭雅斯逃至沙喇伯勒哈薩克錫喇句鄂哲特等以昂吉岱係

噶勒丹策凌近族議立為大台吉布庫察罕與舍楞不從舍楞欲入俄

羅斯布庫察罕拒守伊遜薩們之源昂吉岱遣鄂哲特攻之為所敗時

又有哈薩克哈布哈之子圖古占領兵二千掠沙喇伯勒昂吉岱於察

爾

林之橋渡連兵拒戰卽此渡口也渡口東北五十里爲特勒克卡倫察
林河至卡倫南分爲二東支爲伊克喀喇烏蘇西支爲察林經卡倫左
右入伊犁河長春真人西遊記云自阿里馬城西行四日至荅刺速沒
輦水勢深濶抵西北流從東來截斷陰山河南復是雪山十月二日乘
舟以濟元時譯語謂河爲沒輦荅刺速沒輦卽伊犁河也長春真人之
歸也於阿里馬城西百餘里濟大河往時所濟在察林渡西歸時則在
察林渡東伊犁河自惠遠城南西流九十里逕古爾班托海北又西七
十里逕安達拉卡倫北又西六十里逕察罕托海北又西七十里逕洮
賴圖卡倫北又西八十里逕沙喇托羅海卡倫北又西八十里逕額林
摩多卡倫北又西六十里至特勒克卡倫北蓋察林伊犁交流處距惠
遠城五百一十里

又西北車里克河注之

伊犁河既會察林西北流百里而近逕托博羅爾山南又西北流逕布
喀嶺北凡百餘里車里克河自南來入之河發自特穆爾圖淖爾北境
山東流南滙六水凡二百里將折而北有圖爾愛科爾山水由東南來
滙又北流二十餘里至察里克巴克圖托海之西有庫克里克山水流
百四十里由正西來滙又北流二十餘里有阿蘇嶺水流百里由正西
來滙是爲車里克河又北流百八十餘里經布喀嶺西入伊犁河

又西北古爾班奇布達爾水注之

車里克河西三十餘里有塔拉圖布拉克水又西四十餘里有古爾班
沙托海水皆北流數十里而止又西十餘里爲古爾班奇布達爾水源
當阿蘇嶺之北凡北流百七十餘里入伊犁河伊犁河自車里克河口

逕沙喇伯勒境北凡西流百一十里與古爾班奇布達爾水會沙喇伯勒者舊杜爾伯特地杜爾伯特部傳云有伯什阿噶什者伊斯扎布之曾孫也祖扎勒父車凌多爾濟句伯什阿噶什兄曰布達扎卜曰達瓦克什克弟曰達瓦濟特曰格咱巴克聚牧伊犁河西沙喇伯勒境鄰哈薩克牧達瓦齊虐其衆伯什阿噶什將棄之懼襲而復大軍征達瓦齊抵伊犁班第遣使招因獻籍三千餘戶降是其事也額敏和卓傳云先是議以額敏和卓從定邊將軍兆惠赴沙喇伯勒剿厄魯特逸賊次及回逆尋議分道進兵額敏和卓奏自沙喇伯勒取道巴達勒至喀什噶爾取道木素爾嶺至阿克蘇徑皆險別有間道臣遣使赴兆惠軍爲導蓋沙喇伯勒之南通特穆爾圖淖爾傍淖爾南行越巴爾琿嶺渡納林河可至喀什噶爾

又西北圖爾根水注之

圖爾根水凡北流二百里入伊犁河源處東距古爾班奇布達爾水五十里入河處相距二十餘里

又西北塔爾噶爾水注之

塔爾噶爾水發源東北流百六十餘里有伊西克圖水由南來滙同北流百三十里入伊犁河東距圖爾根水二十餘里

又西北古爾班阿里瑪圖水注之

阿里瑪圖三源並發流五十里而滙又東北流八十里又北流百四十餘里入伊犁河入河處東距塔爾噶爾水二十餘里方略載噶勒丹策凌令其妹夫羅卜藏車凌率兵一萬駐阿里瑪圖沙喇伯勒以防哈薩克又云乾隆二十八年伊犁辦事伊公勒圖奏查哈薩克兩路分巡南

西域水經卷四
路自特穆爾圖淖爾之南由巴爾琿嶺至塔拉斯吹地方北路沿伊犁河由古爾班阿里瑪圖至沙喇伯勒地方方能周徧是其地矣

又西北喀什柯楞水注之

喀什柯楞水二源並發而滙東北流七十餘里又北流百六十里入伊犁河入河處東距阿里瑪圖水二十餘里

又西北庫魯圖水注之

庫魯圖水發源東流七十餘里有奎屯水由西南來滙之又東流二十里有察拉爾罕水由西南來滙之庫魯圖水折而東北流五十餘里又北流一百二十里入伊犁河入河處東距喀什柯楞水二十餘里

又西北喀什塔克水注之

喀什塔克水發源東北流百五十里又北流百六十里入伊犁河入河處東距庫魯圖水四十餘里伊犁河自車里克河至喀什塔克水凡三百里河之北岸皆沙磧也

又西北注巴勒喀什淖爾

伊犁河自喀什塔克河口北流百里入於淖爾西域圖志云淖爾爲西北境最大澤左右支河水淺可渡處有五曰額蘇斯德曰喀喇塔拉曰輝邁拉圖曰溫托爾格曰塔爾輝塔統名曰多歡多歡者渡口也

渡口曰多歡蒙古語則曰鄂羅木見元史語解

淖爾一源爲庫克烏蘇河

庫克烏蘇河源出博羅呼濟爾嶺流峽中逕其卡倫一水西流自卡倫北來會是爲博羅呼濟爾水車布登扎布傳云乾隆二十四年車布登扎布赴特穆爾圖淖爾協剿霍集占會將軍兆惠已率兵進葉爾羌車

布登扎布由博羅呼濟爾還駐伊犁卽其境也博羅呼濟爾水西北流八十餘里有小水亦曰庫克烏蘇由北來滙之又西北流六十里有庫克鄂羅木水由北來滙之其水盛於庫克烏蘇故博羅呼濟爾受之其流益大是爲納林河納林河西北流八十里有噶克察摩多水自北來入之又西北流六十里有喀喇塔拉水自北來入之南北山勢至斯而隘納林河逕峽中束急而怒流如竹箭西北流數十里出峽南山漸舒河傍北山流逕喀喇塔拉山口之南是爲庫克烏蘇河勢猶洶湧未就安流乾隆二十三年定邊將軍兆公惠奏言富德聞哈薩克錫喇晝夜逃奔之信領兵二百越博羅呼濟爾嶺分爲兩隊追及於哈魯勒托羅海獲卓托魯克得木齊車隆旋遣參領納旺等持托忒字印文往招布庫察罕令檢哈薩克錫喇自效行至庫克烏蘇納旺布庫察罕之喇嘛來見庫克烏蘇河又西北流三四十里逕察罕博胡圖境北又西北十餘里逕莫爾霍必濟境北又西北流三十餘里逕莫軌圖境東有碩津烏蘇河自南來入之碩津烏蘇發源伊犁河北岸山北流經阿勒坦額墨勒都圖山西東滙古爾班胡蘇圖水又北流經塔蘭胡圖克境東與庫克烏蘇河滙庫克烏蘇河又北流百五十餘里逕察陳喀喇境西而入淖爾西距伊犁河入淖爾處三百八十餘里

一源爲勒布什河

自庫克烏蘇河所逕之喀喇塔拉山北行五十餘里爲扣肯布拉克山其山北向如張兩股正中一泉滂然有女陰之象故謂之扣肯也蒙古語謂女子爲扣肯登山梁西北望蒼茫鬱蒸銀濤一線卽巴勒喀什淖爾也伊犁河北岸之山層岡疊阜至此始出北山東西數百里山皆截然而止山

西城九道言卷四
下北眺平沙浩渺不知其極遠樹成林則會勒布什諸水所經之地扣
肯布拉克水北流數十里而伏扣肯布拉克東五十里爲喀喇哲克德
水水發自雅瑪圖之北達山外北流滌洞爲葦蕩中多豪豬喀喇哲克
德水東五十里爲哈畢爾罕布拉克水涓涓北流遇沙而伏哈畢爾罕
布拉克之東亂流五水三百一十里至勒布什河河出薩爾巴克圖河
北岸庫克托木嶺之陰其陽卽庫克托木水所發也勒布什河西北流
百三十餘里有巴什罕河由南來匯勒布什河西六十里有莫霍圖水
北流而不與河通莫霍圖西六十里爲巴什罕河又西六十里爲薩
爾罕河又西三十里爲博木察罕烏蘇河又西四十里爲察罕烏蘇河
皆北流入於勒布什河察罕烏蘇河之西六十里卽哈畢爾罕布拉克
水也勒布什西北流旣會諸水又西北流二百五十餘里逕阿爾噶凌
圖境西察陳喀喇境東入淖爾西距庫克烏蘇入淖爾處一百里沙喇
扣肯傳云乾隆二十一年阿睦爾撒納竄哈薩克巴圖爾烏巴什覬據
伊犁聞我師有備竄察罕烏蘇博羅布爾噶蘇阿勒坦特卜什勒布什
薩爾罕諸境卽此諸水所經也伊犁與塔爾巴哈台每秋各以領隊一
人巡哈薩克境以勒布什河爲界河東爲塔爾巴哈台境西爲伊犁境
一源爲愛唐蘇河

愛唐蘇河源出塔爾巴哈台庫圖爾嶺西西流二百里有愛古斯河自
北來入之愛古斯河發自朱爾庫朱山準語朱爾母狍也庫朱
類也山形似之故名西流一
百五十餘里有博羅額布克特水烏蘭額布克特水同西南流百餘里
來匯愛古斯河又挾以西南流五十里入愛唐蘇河愛古斯河東距塔
爾巴哈台城四百餘里與哈薩克以此河爲界也愛唐蘇河西流三十

餘里有水發自哈薩克界阿爾會西里山東凡南流二百里經庫克薩爾境東來滙愛唐蘇河又西流四十餘里有水發自阿爾會西里山西亦南流二百里經庫克薩爾境西來滙愛唐蘇河又西北流五十餘里入淖爾傷愛唐蘇河皆哈薩克游牧其地為漢康居國逐水草冬夏徙居而以塔什罕城為宗國是即漢書所謂康居隨畜移徙其玉冬治樂越慝地夏居蕃內也塔什罕城在哈薩克西乾隆初霍罕伯克額爾德呢取塔什罕城哈薩克左部汗阿布賚與右部王阿布勒必斯攻霍罕復塔什罕城三十二年阿布賚遣都拉特柯勒奉表至伊犁乞師二萬人並假大礮將大舉伐霍罕將軍不許其後霍罕仍取塔什罕城焉元史每言阿速與欽察為鄰疑阿速即哈薩克元史言欽察阿速諸國速異速不台傳云收欽察境又至阿里吉河與斡羅思部大小密赤思老遇一戰降之略阿速部而還是先欽察而斡羅思而阿速也曷思麥里

傳云太祖命曷思麥里從哲伯為先鋒攻乃蠻克之斬其主曲出律帝親征至薛迷思干追其主札刺丁至斡顏城西塞札刺丁逃入於海取玉兒谷德痕兩城繼而斡顏城亦下帝遣使趣哲伯疾馳以討欽察命曷思麥里招諭曲兒忒失灣兒沙等城悉降至谷兒只部及阿速部以兵拒敵皆戰敗之招降黑林城進擊斡羅思於鐵兒山克之獲其國主密只思臘哲伯命曷思麥里獻諸朮赤太子誅之尋征康里至孛子入里城與其主霍脫恩罕戰又敗其軍進至欽察亦平之是曷思麥里由西域轉戰而北先阿速而斡羅思而康里而後欽察也然曷思麥里傳先言帝趣哲伯疾馳以討欽察則征欽察究在先曷思麥里徇西域諸城而北先至阿速則阿速在欽察之南阿速與哈薩克音亦相近也
 哈薩克部凡三曰左部亦曰東部曰右部亦曰中部曰西部左部置汗一今日斡里始歸順之汗阿布賚子也乾隆四十七年嗣其所轄衛遜諸鄂拓克附崆郭羅鄂倫及鄂爾果珠勒卡倫在伊犁西素宛鄂拓克附沁達蘭卡倫在伊犁北為最近阿塔海瑚蘭素諸鄂拓克去伊犁為遠右部置汗一今日托霍木始歸順之汗阿布勒班畢特孫也嘉慶十四年嗣又置王一今日江霍卓阿布勒班畢特曾孫阿布勒班畢特之長子曰博羅特嗣為汗其次子曰阿布

勒必斯別爵為王有西部台吉巴喇克者生子杭霍卓而卒巴喇克之妻改適阿布勒必斯因以杭霍卓為養子 朝廷命之嗣王爵江霍卓則杭霍卓子也 嘉慶五年嗣所轄色密斯奈曼及斯班奈曼諸鄂拓克皆附塔

爾巴哈台北西部處極西 按土爾扈特部傳云土爾扈特屯牧額濟勒河所居地曰瑪努托海北界俄羅斯南界哈

薩克東界哈喇哈爾西界圖里雅斯科是哈薩克已近西海蓋即西部也 無汗王惟置二品以下台吉其

台吉托克托庫楚克所轄者曰喀喇拜吉格特鄂拓克佳拜所轄者曰

克勒拜吉格特鄂拓克乾隆三十七年伊犁將軍舒公赫德疏言哈薩

克內有伊克準多木達準巴罕準 蒙古語巴罕略小之謂 三部伊克準即衛遜鄂

拓克向無頭人阿布賚博羅特阿布勒必斯兼轄之多木達準即奈曼

色密斯奈曼斯班奈曼總名曰奈曼鄂拓克 阿爾呼勒兩鄂拓克巴罕準即阿勒沁鄂拓克

考疏所言伊克為左部多木達為右部巴罕為西部矣愛唐蘇河所逕

為右部地羅卜藏多爾濟傳云乾隆二十二年羅卜藏多爾濟偵阿睦

爾撒納由博羅塔拉走阿卜克特偕副都統愛隆阿等分道馳擊抵塔

爾巴哈台諜輝特逆賊巴雅爾伏嶺險捕之賊遁尾六日次愛唐蘇哈

薩克兵二百餘遮道羅卜藏多爾濟僅數騎鏖擊之哈薩克懼乞降即

此河之側也入淖爾處西南距勒布什河六十餘里

皆注於淖爾

巴勒喀什淖爾東西長八百餘里南北廣處二百餘里狹處百餘里極

四十五度五分至八分西三十六度五分至三十七度四分蒙古語巴



勒喀什寬廣之意言其能納眾流也淖爾中有三島在東者曰瑪呢圖

噶圖爾罕在西者曰察罕托海噶圖爾罕中曰阿拉克罕伊犁河入處

當察罕托海噶圖爾罕之南庫克烏蘇勒布什河入處當瑪呢圖噶圖



爾罕東南愛唐蘇河入處當瑪呢圖噶圖爾罕之東元史速不台傳乙

巴勒喀什淖爾所
受水第一圖
每方百里



西域水經卷四

四



巴勒喀什淖爾所受水第二圖


特穆爾圖淖爾

西域水道記卷四

巴勒喀什淖爾
所受水第三圖


西域水道記卷四

五十一



北

南



西域水道記卷四

五十二

西域水道記卷五

賽喇木淖爾所受水

伊犁東北境有喀喇河

喀喇河出薩爾巴克圖河東岸山東流逕察哈爾右翼廟北右翼察哈爾夏秋游牧於河側其北岸卽鄂拓克賽里河所逕也喀喇河凡東流百里而近入淖爾

有布哈布拉克水

布哈布拉克平地湧泉在淖爾西南五十步流入淖爾布哈布拉克水西有無名泉二亦流數十步入淖爾

有碩博圖水

賽喇木淖爾東北岸有卡倫曰碩博圖西距鄂拓克賽里卡倫四十里

西塘水記卷五
有小水出淖爾北岸山南流逕碩博圖卡倫西入淖爾碩博圖卡倫東
迄于珠罕布拉克安達拉卡倫北山出水七道皆南流而伏

注于賽喇木淖爾

昂吉岱等之遁也布庫察罕以二百餘戶住賽喇木淖爾乾隆二十三
年三月布庫察罕告昂吉岱云於托里北之托和木圖探知大兵行走
蹤跡我等宜將游牧移往伊犁河又言差往偵探人等歸告在賽喇木
淖爾東之察罕布木遇大兵前哨拒戰敗回昂吉岱尋爲布庫察罕屬
人所殺淖爾當惠遠城正北二百里在松樹頭嶺下形南銳北豐南北
百二三十里東西五六十里又曰察罕賽喇木其水陽焊不耗陰霖不
濫池中曾無片艸及其風稔鯤鱖子皆所不生每日水潮若應于午
嘗有閩粵流人善泅者欲探其淵入水數十武卽返言下有氣呼吸人

不得住竟無能測其深也松樹頭嶺東一里建靖海寺寺極壯麗中祠
龍神自寺東北行四十里至淖爾淖爾東南隅有三石島相接近南者
最大廣近百步冬月海水島乃可陟東岸數百步爲鄂勒著依圖博木
軍臺與于珠罕卡倫相去半里出入伊犁境者於此驗過所余頓宿之
暇步至海側沿波碎石不見纖草臺兵言夜氣澄明時天半嘗懸一紅
燈正臨海心疑爲神龍所宅矣傍淖爾東北隅有二小池居人謂之海
耳海側多獺發其穴則中通數窟每窟土基如牀牝牡偶居乳雛積穀
別有異窟兼有鼠能拱立所謂禮鼠也又有烏鼠同穴者鼠如常鼠鳥
長尾綠身如鵲而小黎明鳥先出翱翔鼠蹲穴口顧望漸走平地鳥來
集鼠背張翼以噪鼠往返馳而鳥不墜良久乃已是卽爾雅餘賤郭景
純言烏鼠同穴山在隴西首陽縣以今驗之不僅渭源有此矣長春真

人西遊記云晨起西南行約二十里忽有大池方圓幾二百里雪峰環之倒影池中真人名之曰天池於其歸也又云度四十八橋緣溪上五

十里至天池海即此淖爾也勝境鍾靈淪於荒寒佳名淹沒搜討無人

嘉慶四年洪先輩亮吉戊伊犁往返經此作淨海贊

序曰未至三臺有水焉廣潤可五百步深至無底有島嶼無委輸不生一物不染一塵投以巨細頃刻必漂流上岸土人稱為西方淨海譯言賽喇木淖爾是也余自烏魯木齊以來盥沐久廢又欲休馬力日步行半程足亦繭栗驟聆此名愧我塵垢爰稅駕路側餐白雪以洗心藉行潦而盥手然後進焉則見百樹之葉隨雲外馳四山之禽孽霰東邁若有所避不容稍遲心始異之及抵其境則西南北三面盡皆雪山中波外沙儼欲分界流既百折綠若再染怪石林立頽峰斂容晷刻已移心形并澈歸途則又值仲夏上旬涼風蕭蕭弦月欲落橋此枕簟坐臥岸側不復就舍館矣山寡別木惟松之聳而上者岸乏雜草惟芝之翠而圓者塊坐無事因歷數宇內靈川秀壑笠屐所至者或同茲幽奇實遜此邃潔誠西來之異境世外之靈壤矣是為之贊曰雲分電壁山空月華中有綠海旁周素沙奇峰倒影幽草舒芽時飄遠馨時墮空花百步之外靈禽不棲十里以內驚塵詎飛赤日縱象元霜不墮庶幾成連抱琴來淖爾東北距喀喇塔拉額西柯過按三臺即鄂勒著依圖博木軍臺

淖爾三百里乾隆二十八年入秩祀

文曰惟神坎德宣昭蒙泉濬發自塔勒奇之峻嶺靈派遙分為厄魯

特之名川羣流交匯晴波朗徹作襟帶於烏孫巨浪安恬慶澄清於蒲海佐坤元而布化亘沙磧以含滋允協懷柔宜崇昭報朕撫綏遐徼者定豐功績紀犁庭勒石格登之嶂威行破竹洗兵伊麗之河惟式廓之不增實有神之默相當秣馬龍堆之日効順而助皇威泊屯田雁塞之年流潤以滋土脈用展浮沈之典庶期肝蠶之通玉帛載陳春秋勿替興雲有滄萬頃溥灌溉之功鼓柁遶行諸蕃効朝宗之願有感而必應用康靖乎塞垣源遠則流長永馨香於奕世式惟國典時乃神庥

特穆爾圖淖爾所受水

伊犁西南境有土布河

自伊犁格根卡倫東南行七十里至鄂爾果珠勒卡倫為伊犁西南邊境出卡倫西南行五十里渡哈爾奇喇河又西南行五十里至土布河河東有胡爾哈圖淖爾周數十步其南有碎石成堆高二丈許布魯特言其部昔與外道戰閱兵於此令人各投一石石聚為阜然計其石可

百萬數勃律小部何得授兵之多也土布河源出塔爾巴胡嶺嶺南接善塔斯嶺多生野葱亦葱嶺也初定伊犁時置善塔斯卡倫以遏布魯特將軍阿公桂罷之漢書云葱嶺以外水皆西流土布故西流矣河西流五十里逕博勒哈勒塔爾海南又西七十里逕台畢爾哈圖山口南又西南折而北復西流凡百里而入淖爾有畢齊罕布拉克水蒙古語畢齊罕謂極小也摩多圖布拉克水北來入之淖爾正東扼土布山水環山之前後成南北二小澤土布河入其北澤

有濟爾噶朗河有喀喇河有古爾班哲爾吉斯河

北澤南為土布山自土布博勒齊爾南行渡濟爾噶朗河喀喇河凡三十里至喀喇河南岸兩河於南澤東出泉成河西流入南澤又二十餘里渡古爾班哲爾吉斯河

有葉提古烏斯河

葉提古烏斯河在喀喇河西七十里源出招罕嶺向西北流入淖爾東南

有音圖庫斯水有烏蘭烏蘇河

葉提古烏斯河西經音圖庫斯水五十里為烏蘭烏蘇河自南山北流入淖爾東南

有雅爾哈齊克水

烏蘭烏蘇河西八十里為雅爾哈齊克水北流入淖爾南

有納林布魯克河

雅爾哈齊克水西八十里為納林布魯克河河出巴爾琿嶺陰北流峽中數十里逕巴爾琿博勒齊爾又北流七十里出巴爾琿山口入淖爾

西域圖志卷五
南河以東爲薩爾巴噶什部落布魯特牧地乾隆二十三年定邊將軍
兆公惠奏言臣於四月十三日渡伊犁河已抵格根哈爾奇喇詢問嚮
導人等由特穆爾圖淖爾過巴爾琿嶺穿行布魯特境內計一月可至
葉爾羌喀什噶爾是經此境也薩爾巴噶什部落卽於是年內附兆公
尋奏言臣等領兵至善塔斯嶺令巴圖濟爾噶爾等帶兵哨探至特穆
爾圖淖爾之岸見有百餘騎遂收其馬羣衆中一人告稱我等是薩伊
克及薩爾巴噶什兩鄂拓克布魯特願投順所謂薩伊克者卽喀什噶
爾西南邊外之薩爾特部落也薩爾巴噶什部落又曰布庫部落其比
曰奇一作車里克齊投誠之年授三品秩五十年卒長子曰薩果木伯特
以秩讓其弟因使鄂霍拉克襲三品秩而授薩里木伯特五品秩以旌
之巴爾琿嶺幽險怪異盛夏殷雷飛雪如掌嶺陰之雪恒十餘丈終古

不消南踰嶺三十餘里曰素玉克人畜之骨縱橫於路昔有布魯特徙
牧經此一夜風雪全部皆沒至今種人無敢宿者瘴氣昏蔽常如陰晦
南行四十里至雅滿伊什克乃見晴朗又西南行六十里爲塔爾海嶺
喀喇河發焉西流三百餘里爲納林河乾隆二十五年參贊阿公桂奏
言侍衛鐵柱八月二十七日由巴爾琿嶺行八百里至納林河兩岸
俱有布魯特游牧耕種卽此河側其河洪流飛駛深不見底每歲兵行
度以浮橋乾隆五十年有蒙額勒多爾部落布魯特游牧在喀什噶爾
東北與布庫部落
相連玉托依瑪斯者以納林河造橋功授七品秩卽治此浮橋也渡納林
西南四百五十里爲葱嶺北河烏蘭烏蘇之北岸矣納林河西流北匯
霍爾屯沙里水霍爾海圖水鄂托普水瑚素圖水哈濟爾圖水烏納哈
阿拉克水霍羅特哈水古爾班哈音圖水凡四百餘里折而西南流有

博什博勒齊爾水自南三百餘里來滙有喀喇河自北二百餘里來滙
凡西南流四五十里折而西北流四百餘里出徼外莫竟其委皆葱嶺
西流之水也

有托素爾水

托素爾水在古爾班塔木哈水西二十餘里北流八十餘里入淖爾南

有滿吉爾阿塔爾水

滿吉爾阿塔爾水在托素爾水西三十餘里東北流八十餘里入淖爾

南

有圖旺水

圖旺水在滿吉爾阿塔爾水西四十餘里東北流八十餘里入淖爾西
南

有阿克沙依水

阿克沙依水在圖旺水西七十餘里東北流七十餘里入淖爾西南

有烏拉巴什布拉克水

烏拉巴什布拉克水在圖旺水北七十餘里東流八十餘里入淖爾正

西

有齊齊爾哈納河

齊齊爾哈納河在烏拉巴什布拉克水北六十餘里水側生此樹同於
哈什河焉東南流五六十里入淖爾西北隅亦曰霍什霍爾河直霍什

霍爾河西北爲吹河

有畢齊罕布拉克水有海畢爾罕布拉克水有都勒爾水

自齊齊爾哈納河東二三十里得畢齊罕布拉克水海畢爾罕布拉克

水又東七十里爲都勒爾水入淖爾西北

有霍依綽羅水有輝烏蘇

自都勒爾水東經霍依綽羅水凡百二十里爲輝烏蘇入淖爾北

有齊齊爾罕水有烏蘭庫圖勒水

自輝烏蘇東經齊齊爾罕踰烏蘭嶺凡百三十里爲烏蘭庫圖勒水入

淖爾北

有察罕烏蘇有畢齊罕察罕烏蘇

自烏蘭庫圖勒水東經察罕烏蘇凡九十里爲畢齊罕察罕烏蘇入淖

爾北北岸西至烏蘭庫圖勒皆巴雅什部落布魯特牧地也

有呼魯克圖水

自畢齊罕察罕烏蘇東行經額爾格圖又東經呼圖爾哈凡百二十里

至呼魯克圖水入淖爾北

有扣肯巴克水

自呼魯克圖水東南經沙塔圖凡八十里爲扣肯巴克水入淖爾東北

扣肯巴克水東近淖爾岸有城堡遺址石翁仲一偃仆艸中著巾佩劍

右手撫劍左手當胸若捧物狀石已殘泐莫知年祀

有土布博勒齊爾水

扣肯巴克水東經布爾噶斯台之南凡五十里至土布博勒齊爾其水

入淖爾東北

有喀喇布拉克水

土布博勒齊爾東南行經布魯克南凡五十里至喀喇布拉克其水入

北澤之北又東七十里卽土布河所逕台畢爾哈圖山口也自山口遙

望海氣接天不知所極西行四十里乃海北岸其處翁仲無慮數十嘉

慶十七年索倫營領隊福勒洪阿字樂行邊至此作詩詩曰久戍邊城

瓜更天涯殷勤說與殘翁仲不是前朝舊鼓笳語余此翁仲古疑兵之遺余謂兵行神速拔幟

揚塵豈容磐石蓋古勃律君長葬地或有陪葬如唐昭陵制歟

皆注於特穆爾圖淖爾

特穆爾圖淖爾亦曰圖斯庫爾河東西長四百餘里南北廣處百二十

餘里狹處八十餘里當巴勒喀什淖爾正南千五百餘里沿岸之沙可

煎鐵故有特穆爾之目也準部時喀爾喀台吉巴克蘇木牧於此普爾

普車凌傳云普爾普車凌祖巴克蘇木當噶勒丹掠所部時避居特穆

爾圖淖爾鄰伊犁以力弱不獲歸子孫遂為準噶爾部人其後厄魯特

輔國公巴濟駐牧推河之厄魯特輔國公茂海台吉車凌等亦於海岸

游牧噶勒丹達爾扎傳云巴濟襲輔國公爵雍正九年叛附準噶爾時

準噶爾台吉噶勒丹策凌謀煽內附諸厄魯特遣將大策零敦多布踰

阿濟嶺至伯格爾察罕額爾克地名誘巴濟茂海車凌等往會及額駙策

凌大敗準噶爾賊於額爾德尼昭巴濟偕茂海車凌等各以其族游牧

特穆爾圖淖爾為準噶爾屬茂海者即所得海努克銅印者也地當葱

嶺北道衝故剛多爾濟傳云阿睦爾撒納詭稱葉爾羌喀什噶爾諸回

眾將襲伊犁請勿遣剛多爾濟歸令護視特穆爾圖淖爾降眾車布登

扎布傳云乾隆二十四年夏由塔爾巴哈台赴特穆爾圖淖爾協剿霍

集占蓋自北路邊境赴回疆者必取徑於斯矣辨機西域記云自凌山

行四百餘里至大清池原注或名熱海又謂鹹海周千餘里東西長南北狹四面負

山眾流交湊色帶青黑味兼鹹苦洪濤浩汗驚波泊潏龍魚雜處靈怪

間起所以往來行旅禱以祈福水族雖多莫敢漁捕是清池熱海皆斯
水舊名其產魚似鯉今西域競網取之無復向時所禱之異岑嘉州熱
海行詩云側聞陰山胡兒語西頭熱海水如煮海上眾鳥不敢飛中有
鯉魚長且肥原注海中今海水亦不聞似煮也元長春真人之朝成吉
思皇帝按其程途往返皆經淖爾往時自淖爾東南以達霍闡沒輦歸
時自淖爾西以至吹沒輦吹沒輦者今吹河霍闡沒輦者今納林河伊
犁領隊每歲一人送換防兵於喀什噶爾仍由茲路淖爾南岸山中有
舊碑松公筠之初帥伊犁遣協領德公訪之其人摹其可辨者數字曰
進鴻鈞於七五遠華西以八千南接火藏北抵大宛土人名之曰張騫
碑而搨本不可得見德公今八十餘多遺忘不能舉其地余三度尋覓
終莫能得

阿拉克圖古勒淖爾所受水

阿拉克圖古勒淖爾四源東北源為額敏河

漠北大山曰阿勒坦山譯言金山也山頂極四十八度七分西二十二
度二分其尾極四十六度五分西二十度四分元時太宗之孫昔里吉

脫忽海都分地多在金山元史土哈傳至元十五年大軍北征率欽

台等以獻二十九年略地至金山獲海都之戶三千餘劉哈刺八都魯
傳昔里吉叛宗王別里鐵木而奉命往征帝諭哈刺八都魯從行師次
金山有使者云自脫忽王所來願得一見王以為信左右曰詐也脫忽
所居要害殆與昔里吉為耳目願勿聽遣兵窺之脫忽方飲酣進擊大
敗之因獲昔里吉所遣使知其不為備乘勢進擊大破擒之玉哇失傳
成宗在潛邸帝以海都連年犯邊命出鎮金山月赤察兒傳金山南北
叛王海都篤娃據之不歸正朔垂五十年時入為寇大德十年叛王滅
里鐵木兒等屯金山武宗帥師出其不意先踰金山月赤察兒以諸軍
繼往月赤察兒奏曰諸王禿苦滅本懷攜貳而察八兒遊兵近境叛黨
素無悛心臣以為昔者篤娃先眾請和雖死宜安撫其子欵徹又諸部
既已歸順宜處諸降人於金山之陽吾軍屯田金山之北按昔里吉
者憲宗子脫忽者滅里大王之子海都者合失之子皆太宗孫脫忽分

地在金山而為昔里吉耳日是昔里吉分地在金山西也宗室世系表無篤娃之名而海都篤娃分據金山南北疑篤娃即脫忽特宗室表脫忽子無款徹耳海都子察入兒遊兵

金山近境則海都分地亦近金山矣山頂西南八百餘里曰賽爾山山北百數十里為額敏河源出塔爾巴哈台城東二百七十餘里之鄂爾

和楚克山準語山峰高聳之謂一作鄂勒霍楚爾塔爾巴哈台城者名以山也山在城乾北百里

隆二十二年官兵追巴雅爾五月二十四日至塔爾巴哈台山後極險

處奇徹布截賊去路羅卜藏多爾濟等從東攻入奪險五處夜半巴雅

爾遁官兵追之至愛古斯兩路搜尋六月初二日海蘭察追及之巴雅

爾引弓欲射海蘭察射中其肘占頗圖射中其頸乃被擒凡十有餘日

巴雅爾繞行塔爾巴哈台山三次蓋比之三周華不注矣西域初定雅

爾與塔爾巴哈台兩處同駐兵乾隆三十一年參贊阿公桂奏言雅爾

之地向來雪大而牧場遙遠近城所有地畝不敷五百兵丁畊種悉心

查勘得塔爾巴哈台山陽鄂畢特之舊游牧地曰楚呼楚田土膏腴水

亦充足牧馬之處既不甚遠毋庸動移卡座地方形勢亦頗佳勝請將

雅爾城移於楚呼楚於是建綏靖城周二里七分高一丈八尺門三東

翔和西布悅南遂亨駐參贊一人領隊二人同知一人滿洲錫伯索倫

察哈爾厄魯特換防兵千三百二十二人綠旗換防兵千二十四人極

四十七度五分西三十四度三分午正日景夏至長四尺三寸七分冬

至長二丈八尺三寸四分春秋分長一丈零七寸六分既建城乃告祭

塔爾巴哈台山文曰惟神鍾靈西徼環鎮北庭作屏障於龍堆袍峰巒

於鳥壘前者天兵薄伐既梯棧之無虞今茲土宇宏恢

宜懷柔之徧及則途開九折殊方永荷靈麻而秩亞三

秩於祀典惟神

公展告聿隆祀典式彰肸鬯歆格非遙中允畢沅之詞

靈賦升香薦幣昭萬載之懷柔秩祀鄂爾和楚克山出水西流右會三

休隆洪庥丕著編修曹文埴之詞

水又西逕朱爾庫朱舊卡倫南右會卡倫西水又西逕博勒齊爾卡倫南右會烏什嶺水又西逕色德爾摩多軍臺南十里西北距城一百十里沿河植

柳臨水依依往來綏靖城者咸問津焉又西逕錫伯圖卡倫南在城東百里

是為錫伯圖河乾隆四十六年參贊惠公齡奏於其處立屯田以兵三

十一人屯耕田三百六十畝引錫伯圖河水溉之河又西流右會阿布

達爾摩多水水二源分流經阿布達爾摩多舊卡倫東西而匯西南流

五十餘里經城東匯於錫伯圖河又西流當城東南左會固爾圖河

固爾圖河發自城東南二百餘里之郭哲爾德山諺曰高吉登山西北流經沙

喇呼魯蘇軍臺北又西北經固爾圖地為固爾圖河又西北入於錫伯

圖河河又西流逕城南百里是為額敏河額敏者回語清淨平安之謂

音之轉為額密爾阿卜達什傳云大軍征達瓦齊次察罕呼濟爾阿卜

達什以兵三百馳赴額密爾是也額敏河又西南流楚呼楚水發自楚

呼楚山在塔爾巴哈台山東南一百里南流經城西來匯乾隆二十二年定邊右副將

軍兆公惠奏言臣於五月十九日自濟爾噶朗起程六月初二日至額

敏河西岸蓋水西南流得有西岸矣額敏河又西南流百三十里逕瑪

尼圖卡倫南巴克圖水自北來入之巴克圖水二支東支發自巴克圖

山在塔爾巴哈台城西七十里其祭告文曰惟神幹連北戒位宅西

睡秀甲羣峰表切漢凌霄之勢靈鍾遠徵著出雲降雨之功枕雅爾

之提封巨防是奠匹祁連之形勝雄鎮為昭朕撫御寰瀛輯寧函夏殊

荒在宥與屯逾紫塞而遙絕域歸懷列障訖金山之外仰名山之緜亘

臨要地之往來壤關膏腴萬頃之鱗髮行秩祀用展明禋肸蠁遙通長時

排當土宇之遐恢實神庥之攸賴班行看雪嶠冰厓同被天光之照耀

庶幾梯山棧谷共歸王路之蕩平薦此馨香尚其歆格其歲祭文曰惟

神挺秀坤輿建標允位嗟峩設險奠崇基於月軌以西磅礪鍾靈分大

幹於天山之北通往來於諸部棧接梯連壯形勢於殊方峯層嶂疊朕

入紘在闡六宇為家開荒裔之土田皆成沃壤起大蒙之亭障不限提

封仰承靈貺之攸昭正值耕屯之廣布亘千盤而積雪暗狹温膏摩萬

仍以干霄同瞻巨鎮用是登諸祀典載在禮官俾旅祭之以時庶明禋
之有秩自此與雲布雨長資亭育之功惟茲薦體升香益廣懷柔之化
皆編修曹西支發自烏蘭嶺南流數十里右匯哈屯河又折而東南流

六十餘里至巴克圖卡倫南東支水自卡倫東來匯同西南流六十里

經瑪尼圖卡倫西入額敏河乾隆三十年參贊綽克托奏言正月初六

日起程十五日至瑪尼圖住宿水草甚好休息馬力十八日至額敏河

馬皆浮渡又縛木為筏以渡行李什物足明道里之近也額敏河又西

南流自巴爾魯克山北逕其西準語巴爾魯克巴爾魯克亦鎮山也在

城南二百里乾隆三十一年告祭始祀之告祭文曰惟神德符寧靜休

月竄鎮北庭之遼澗脈接天山昔効順於皇旅經臨護營陣而比安磐

石今隸籍於職方紀載莫疆圍而益固金湯擬諸戴斗崆峒聿昭拱衛

永藉作屏戎索宜沛懷柔用舉明禋尚駢靈貺編修趙翼之詞歲祭文

曰惟神列方兌位合鎮坤維疊蒼翠於層巒鬱蔥之嘉木虬枝吐秀

靈蹤標太華而遙雲葉交陰勝蹟紀流沙之外莫新疆而永固保障斯

存護邊塞以垂麻馨香特薦尚希來格永享明禋編修曹文植之詞也

額敏河又西南流逕察罕托海卡倫西在瑪尼圖卡倫西南一百八十里卡倫西六十

許里有溫泉浴之已疾每際夏初游者絡繹有一青蛇時浮水面見者

禮拜號曰神蛇泉旁達摩寺中青石一方上有足跡長尺餘深寸許縷

紋悉備不類雕刻故老相傳達摩浴此留跡而去是猶阿育王太子見

行七步足跡文理見存也額敏河又西南流五六十里左會溫都克台

水又西南流五十餘里入於淖爾濱河之地準部舊牧也鄂木布濟傳

附哈瑪爾云岱青傳康熙五十九年大軍剿準噶爾鄂木布濟率兵二百至察

罕呼濟爾偵賊蹤由額敏河沙喇呼魯蘇擒厄魯特逃眾方略載協理

台吉達什領兵至集賽其宰桑齊巴漢迎於途言我五集賽共六宰桑

曰達瓦曰僧克爾曰杜爾把齊巴漢俱為達瓦齊拘禁在伊犁曰策伯

克日達什策凌在游牧五集賽今餘七八千戶皆游牧額敏河是知旃

裘之族麋萃於斯與塔爾巴哈台諸山同人秩祀

文曰惟神績奏安瀾祥符泰運地雖臨乎

遠塞派原共此朝宗一水淵渟流未同夫竹箭千層激澗風自息乎鯨波入我販章共九河而貢順慨茲禾黍普百室以胥盈是用嘉彼靈長登之秩祀爰荅神貺永固鴻基

北源為雅爾河

雅爾地在楚呼楚山西二百里土爾扈特部舊居其額什爾努拉地明崇禎時土爾扈特和鄂拉勒克汗與綽羅斯交惡越哈薩克投俄羅斯於喀山額濟勒河之南圖理雅斯科之東馬努託哈居焉後為為準噶爾伊克明阿特游牧車凌班珠爾之昂吉極四十七度五分西三十四度四十分午正日景夏至長四尺三寸七分冬至長二丈八尺三寸四分春秋分長一丈零七寸六分乾隆三十年參贊綽克托由烏魯木齊移兵駐雅爾會同愛隆阿築肇豐城周二里四分高一丈五尺門四東

翔和南乘離西布說北暨朔其地夏生白蠅遺蛆人目冬則大雪不堪其寒三十一年移城於楚呼楚今存故城焉雅爾河二支東支出故城東北那拉特嶺西支亦出塔爾巴哈台山皆西南流塔爾巴哈台水逕故城西右會一水南至故城南東支水逕故城東來會是為雅爾河亦曰裕勒雅爾河建城時祭告秩祀之祭告文曰惟神坤區宅奧兌位流靈潤溯長流於星海永昭作帶之功分近派於玉河早協洗兵之慶久已人欣利濟藉灌漑以開疆自今瑞紀安瀾並朝宗而會極爰修祀事用報神庥中允畢沅之詞歲祀文曰惟神德毓靈源符標上善妙柔明而不滓袍清靜以無塵遠浦渟涵勢榮回而似帶晴瀾皎晶光激灑以如銀值眾部之輸誠知百靈之効順禾麻長養咸資布潤之功黍稷馨香宜有明禋之報用昭靈貺庶答神庥編修卜祚光之詞官兵之追巴雅爾也侍衛奇徹布設伏於險驍騎校訥門德勒伏雅爾河渡口夜半巴雅爾以其妻子及所屬逸出遇訥門德勒殺四人擒一人奇徹布追之至雅爾河下流窄河山巖內賊方造食奇徹布繞巖進侍衛

努三又自下流衝擊斬二十人獲宰桑一其年七月兆公惠又奏言有兵二百餘從愛古斯雅爾河前來馬跡甚大似哈薩克人衆臣遣侍衛達禮善帶兵往探初七日帶領哈薩克霍集伯爾根之子拜達里克到營投誠並擒巴雅爾屬人尼瑪爲贄以求賞賜是此雅爾河也河南流百二十餘里入淖爾水產蛇飲者人多病

西北源爲喀喇河

河出塔爾巴哈台庫圖爾嶺南當愛唐蘇河之東南流百二十餘里左會扎哈蘇台水又西南流八十里入淖爾

南源爲安吉里克河

河當博羅塔拉河之北出安吉里克嶺東麓北流六十餘里有胡克多賴山西水西北流來匯北入淖爾

注於淖爾

淖爾圓橢形自東南至西北長二百餘里南北縱東岸百二十餘里西岸五十餘里曰阿拉克圖古勒淖爾準語阿拉克者水紋青碧歷碌然也圖古勒謂小犁牛猶古白狼河之比矣亦曰古爾格淖爾又曰愛古斯淖爾極四十七度又六分西三十五度又九分額敏河入自東北雅爾河入自北近東去額敏河入處三十餘里喀喇河入自西北距雅爾河入處一百里安吉里克河入自正南在巴勒喀什淖爾東南三百八十餘里塔爾巴哈台城西南三百餘里淖爾之南卽沁達蘭烏可克諸山嘉慶十年哈薩克台吉伊巴克訴言屬下人戶夏秋游牧於阿拉克圖古勒淖爾南岸冬春風雪極太乞賜附近卡倫地游牧將軍松公筠爲之疏請以阿魯沁達蘭卡倫及烏可克小卡倫以外地畀之伊巴克

者角羅巴斯之子左部汗阿布賚族子也每秋塔爾巴哈台領隊一人

幾察哈薩克巡淖爾一周焉與額敏河同祭告入秩祀祭告文曰惟神衍派北庭濬源

西極澤分膏雨徧敷疏勒之田波靜中流近繞烏孫之壘茲當新疆載闢邊徼式清爰舉犀禋用酬利濟庶幾朝宗有慶永資沾潤之功從此祈報常新益享靈長之福編修沈士駿之詞歲祀文曰惟神協靈浩澤潛潤遐荒標名勝於月窟以西作襟帶於天山之北王師飛渡瑞同疏勒之名泉大漠永清廓比蒲昌之靈海將屯衛資水泉之美普沃新疆而邊庭仰雲雨之司用昭明德爰修祀典遙薦馨芬中允畢沅之詞

淖爾東南里許有小淖爾曰額貝淖爾周百里雅爾蓋圖河流二十餘里入自西南巴爾魯克山南水流七十餘里入自東北在巴爾魯克卡倫西南

噶勒札爾巴什淖爾

噶勒札爾巴什淖爾為布拉干河所注布拉干河源導布延圖河南

科布多城元史武宗紀大德四年八月與海都軍戰於濶別列之地敗之姚遂撰乞台普濟先德碑成宗詔皇上撫軍漠北以撫導

扈從壹是軍務悉聽於公寇出金山南濶別列子也兒吉尼將左衛射士居顏行當寇驍將手搏斬其首按濶別列之地在金山之南即今之科布多也濶科別布西南二百餘里有海喇圖嶺出水西南距華額皆雙聲列多音亦相近爾齊斯河源

數十里東流八十餘里為德倫河又北折而東南為布延圖河成袞扎布傳云乾隆二十三年土爾扈特台吉舍稜遁俄羅斯成袞扎布領兵三百赴布延圖謂此河也其下游東北流逕科布多城西北復流百里至城東北瀦為額克阿喇勒淖爾噶勒丹所欲捕魚者也淖爾北岸為明阿特部游牧昔青滾雜卜以撤軍臺誅別其部人為明阿特乾隆三十年移駐於此凡佐領二布延圖河南岸為和通鄂博山是為阿勒坦山之尾西南麓其山之陽布拉干河出焉乾隆三十六年舍稜復來歸宥其罪仍封弼里克圖郡王謂之新土爾扈特授牧地布拉干河五十七年舍稜病罷子策伯克扎布嗣其界南接古城東接和碩特西與北接

阿勒坦烏梁海布拉干河源爲其避夏處

東南流喀喇淖爾水注之

布拉干河東南流百里右會喀喇淖爾水喀喇淖爾周數里在布拉干河源南十餘里亦東南流百里入布拉干河

又東南流索勒畢河注之

布拉干河東南流二十里左會索勒畢河河發自索勒畢嶺特默齊傳云乾隆十九年特默齊由索勒畢嶺馳赴布拉干察罕托海擒準噶爾宰桑庫克辛禡木特句通禡木特及扎哈沁句包沁句噶勒雜特兵百五十餘方略又載其時班公第奏云此次收獲烏梁海之後卽欲前進擒爾禡木特緣附近庫列圖嶺雪大難行惟索勒畢嶺一帶路徑尙無大雪可以行走而禡木特適移住索勒畢嶺之附近布拉干察罕托海

地方卽行進兵如履無人之地兩禡木特並行擒獲卽河所濫觴也索勒畢河西南流六十餘里入布拉干河

又南岳羅圖河注之

布拉干河南流折而西南凡十餘里左會岳羅圖河岳羅圖河自東來長六十餘里

又西南托賴圖河注之

布拉干河又西南流二十餘里右會托賴圖河托賴圖河在喀喇淖爾水南二十餘里東南流六十餘里入布拉干河

又東南噶爾古嶺水注之

布拉干河東南流七十餘里右會噶爾古嶺水水發自噶爾古嶺東南流八十餘里入布拉干河

西域水道記卷五
又東南特穆爾圖河注之

布拉干河又東南流十餘里右會特穆爾圖河河在噶爾古嶺水南亦東南流八十餘里入布拉干河

又西南流爲布拉干河

布拉干河既受特穆爾圖河東南流折而南凡二十餘里逕察罕鄂博西乾隆二十一年參贊富公德奏言臣由烏隆古河前往堵截唐古忒至察罕鄂博忽遇哈薩克兵一千與唐古忒合隊大兵擊之斬首百餘級擒賊黨二人河自察罕鄂博西復折而西南流八十餘里是爲布拉干河垂濟恭蘇嚨傳云附騰機康熙五十一年垂濟恭蘇嚨越額爾齊斯河由布拉干布魯勒即布魯勒河至和博克薩里界擊準噶爾賊又巴雅爾什第傳云附納木札勒傳乾隆二十年阿睦爾撒納叛包沁總管阿克珠勒

等踰阿勒坦掠守汛侍衛齊徹布台吉達瑪璘等牧產巴雅爾什第偕達爾濟雅馳赴布拉干路擊之

又西南流察罕河注之

布拉干河又西南流三十里折而西北流三十餘里又西南流四十餘里又東南流二十餘里又西南流三十餘里而右會察罕河河發自博羅鄂博在喀喇淖爾水南七十餘里三源並發南流百里而匯又南流三四十里右匯昌吉爾河昌吉爾河發自博羅鄂博西源爲小淖爾北去華額爾齊斯源六十餘里淖爾溢水南流百里左匯三水又東南流百里爲昌吉爾河又東流五十餘里匯於察罕河察罕河又南流五十里復東南十餘里入於布拉干河琳丕勒多爾濟傳云附巴朗傳乾隆二十年阿睦爾撒納行至烏隆古親王額璘沁多爾濟遣琳丕勒多爾濟送

阿睦爾撒納歸牧治衰從騎二十餘至察罕河阿睦爾撒納麾所部兵三百還攻琳丕勒多爾濟等被圍拔矢環射奮勇鬪賊不敢逼奪路歸遇其後隊邀擊之獲阿睦爾撒納所用旗纛甲冑又車木楚克札布傳云乾隆二十二年車木楚克札布偕參贊唐喀祿率兵八百赴阿勒坦緝逃賊哈薩克錫喇以察罕河為要隘馳赴偵禦卽此河也

又西流過瑚圖斯拉境北

布拉干河既會察罕河水復東南流三十餘里乃折而西流四五十里逕阿爾噶靈圖境南瑚圖斯拉境北瑚圖斯拉地產金舍稜傳云乾隆四十九年有內地奸民劉通等集眾千餘赴瑚圖斯拉私開金礦且賂舍稜屬額爾齊斯雅拉拜等給駝馬為助烏魯木齊都統海祿聞之以兵往檄所部助弋奸民悉就擒以瑚圖斯拉逼舍稜牧封禁永為令瑚

圖斯拉東南接古城界

又西流為烏隆古河

布拉干河逕瑚圖斯拉境又西流百里至烏蘭博木之南為烏隆古河烏蘭博木以西北為阿勒坦烏梁海境烏蘭博木以東南為新土爾扈特境烏隆古河正南二百餘里為濟木薩城故元劉郁西使記云過龍骨河復西北行與別失八里南北相直近五百里別失八里者古北庭都護之所治詳見巴爾庫勒淖爾條下今為濟木薩龍骨則烏隆古之轉語矣烏隆古河北距額爾齊斯河源亦二百里阿睦爾撒納之叛也由茲以遁武功紀盛云阿睦爾撒納八月十九日行至烏隆古距其舊游牧僅一日程詭稱歸辦裘以副將軍印付額璘沁多爾濟使先行約一二日卽追及遂率所屬逃去是其事也成衮扎布傳云乾隆二十年十月包沁賊

肯哲句顏達什句巴雅爾圖等竄伏烏隆古成袞扎布擊斬之車凌烏
巴什傳云乾隆二十二年副都統唐喀祿赴西路軍車凌烏巴什遣護
衛巴顏及卒三十從之且稱額爾齊斯及烏隆古地值盛夏多蚊蛇道
不可行蓋亦南北之隘矣

過哈喇莽奈山北

準語謂額曰莽奈言山之似額而色黑也特默齊傳云乾隆十九年特
默齊從參贊努三剿烏梁海抵哈喇莽奈偵宰桑赤倫及四得木齊屬
居吹地往擒之烏隆古河逕山北百餘里

又西北注噶勒札爾巴什淖爾

淖爾二小者曰巴噶淖爾周二百餘里圓橢形在東南大者曰噶勒札
爾巴什淖爾周五百餘里形狹而長在西北大小相聯正如葫蘆而近

上為細腰麗元言汝水枝別左出又會汝形如垂瓠殆亦此類烏隆古
河逕哈喇莽奈山西北流二百餘里入自巴噶淖爾之東南復似其蔓
也極自四十六度三十分至四十七度二十分西二十八度至二十九
度二十分又曰赫色勒巴什淖爾巴木丕勒多爾濟傳附車凌康熙五

十六年隨額駙巴林郡王烏爾袞由阿勒坦進剿準噶爾於赫色勒巴
什淖爾是也又曰奇薩勒比斯淖爾方略載乾隆二十三年副都統順
德訥奏言正月初一日在烏隆古擒獲厄魯特巴圖詢知奇薩勒比斯
淖爾相近之博洛爾托海有哈薩克錫喇之得木齊達什扎卜等藏匿
其水多魚結寨住守在元時名曰乞則里八寺海亦曰乞則里八海元
史郭德海傳云從先鋒柘柏西渡乞則里八海攻鐵山劉郁西使記云
龍骨河西注瀦為海約千餘里曰乞則里八寺多魚可食有碾磴亦以

水激之皆謂此淖爾也。淖爾西南距阿雅爾淖爾四百餘里。阿雅爾正北百餘里有那木河東流，又有色伯斯台山水東南流，匯之又東南流，當噶勒札爾巴什淖爾之西南，瀦為特里淖爾，形正圓，在沙磧中。

宰桑淖爾所受水

宰桑淖爾者，額爾齊斯河所瀦也。一源為華額爾齊斯河。

烏梁海種人有三部，曰阿勒坦烏梁海、曰阿勒坦淖爾烏梁海、為科布

多屬。曰唐努烏梁海，唐努山名為烏里雅蘇台屬阿勒坦烏梁海散秩大臣

二、莫羅木達爾札所駐去科布多五百餘里，布彥得勒克所駐去科布

多七百餘里，副都統一沙津巴圖所駐去科布多四百餘里，總管二泰

拉克貢楚克扎布所駐去科布多七百餘里，普爾普策凌所駐去科布

多四百餘里，故總管那遜圖古斯所駐去科布多五百餘里，皆在科布

多西境。阿勒坦山在其境內西南偏華額爾齊斯河出焉。丹津多爾濟

傳云，附西第什哩傳雍正九年，準噶爾賊由華額爾齊斯至索勒畢烏拉克沁

謀掠喀爾喀，謂此河也。

一源為喀喇額爾齊斯河。

河出庫爾圖嶺南流百里，左會一水，復西南流五十餘里，與華額爾齊

斯會。二水以黃黑異稱，未審所由。水道提綱云：華額爾齊斯河，原作呵額勒濟

思河今正西南流百里，折西北百餘里，喀喇額爾齊斯河自東北來，會是也。

阿喇布坦傳云：康熙三十六年，噶勒丹自哈薩克圖哈喇阿濟爾罕遣

使土克齊色稜達什召阿喇布坦不赴，且奪召者騎，自布延圖河徙阿

勒坦之喀喇額爾齊斯呼里木圖等處，噶勒丹欲踰阿勒坦至額克阿

喇勒，淖爾名在科布多城東捕魚食，慮阿喇布坦襲已，不果，尋自殺。武功紀盛云。

傅爾丹出師敗績於和通淖爾卽和通呼爾哈淖爾敵旣得志益猖獗大策零敦多布駐華額爾齊斯小策零敦多布駐喀喇額爾齊斯日伺釁擾邊按杜爾伯特部傳云準噶爾台吉舊有策零敦多布二大策零敦多布善謀小策零敦多布以勇聞策妄阿喇布坦及子噶勒丹策零倚任之蓋大小策零猶西燕之有大小逸豆歸矣

二河合爲額爾齊斯河

華額爾齊斯河西南流百里折而西流五十餘里與喀喇額爾齊斯會是爲額爾齊斯河極四十六度十分西二十八度二十分河之側元時置駟謂之大河驛長春真人西遊記云辛巳中秋日抵金山東北少駐復南行其山高大深谷長坂車不可行三太子出軍始闢其路乃命百騎挽繩縣轅以上縛輪以下約行四程連度五嶺南出山前臨河止泊之勝

西北流蘇布圖河注之

額爾齊斯河西北流三十餘里蘇布圖河自北來入之蘇布圖河長百二十餘里

又西北流罕達海圖河注之

額爾齊斯河又西北流三十里罕達海圖河自北來入之罕達海圖河源處爲庫魯圖河西南流百里爲罕達海圖河又西南入額爾齊斯又西北流奇喇河與克木齊克河注之

奇喇一作奇蘭音之轉也河在罕達海圖河西三十餘里源發自納林奇喇境西

南流百里一水西流五十餘里來滙準語奇喇謂山梁也納林奇喇西北四十餘里有孫都魯克嶺克木齊克河源發焉西南流百五十里至額爾齊斯河北岸而滙同入於河水道提綱云額爾齊斯既會又西折而西北百八十里奇喇河自東南來滙蓋不數克木齊克河也策凌傳云雍正十年小策零敦多布復糾眾三萬由奇喇至額爾德河源策凌偕將軍塔爾岱禦之於本博圖山

又西北流固爾圖河注之

額爾齊斯河西北逕齊爾袞特依山北凡四十餘里北會固爾圖河河長百二十餘里齊爾袞特依山南即噶勒札爾巴什淖爾也

又西北流過納林喀喇山北博喇濟河注之

納林喀喇亦噶勒札爾巴什淖爾北岸山車布登傳云

附錫布推哈坦巴圖爾傳乾

隆二十一年和託輝特逆賊青衮咱卜叛車布登將以兵會參贊塔爾

瑪善赴烏蘭嶺追剿阿睦爾撒納未至遽由納林喀喇歸牧即其山也

山之東為阿勒坦烏梁海種人山之西為和博克薩里土爾扈特種人

按和博克薩里相承為一處地名考之準語和博克汲水器也以皮為之其地有井居人往汲故以名地薩里謂馬股言地形似之蓋和博克自為一地故有納林和博克特和博克也策凌傳載喀爾喀與厄魯特分界議云策妄阿

喇布坦存日游牧和博克薩里察罕呼濟爾迤西數年來漸越額爾齊

斯推是言之和博克薩里初亦準部地既入版圖乾隆三十六年始界

北三旗土爾扈特布延圖親王駐之額爾齊斯自固爾圖河西北流百

二十餘里北會博喇濟河博喇濟者準人名也舊居於此因以名河河

二源東源為霍木河發自阿勒坦山梁而西流西源為哈那斯河西南

流各七十餘里而滙又西南流百餘里為博喇濟河入於額爾齊斯車

西域圖志卷五
布登傳云罕篤叛由博喇濟遁俄儂河禡木特傳云乾隆十八年杜爾伯特台吉車凌等棄準噶爾來降達瓦齊遣禡木特追之由博喇濟河入喀爾喀汛

又西北過庫克辛山北哈布河注之

額爾齊斯自博喇濟西北流八十里右會哈布河阿睦爾撒納之來降也達瓦齊遣策凌及巴雅爾等追之阿睦爾撒納敗其衆於哈布河庫克辛山者禡木特之所游牧因以名其部故禡木特傳云禡木特厄魯特人號庫克辛蓋猶塔爾巴哈台之厄魯特牧於巴爾魯克山謂爲巴爾魯克部矣或曰庫克辛者老也故以別宰桑禡木特

又西北過卑爾素克托羅海境北喀喇哈布河注之

卑爾素克托羅海者科布多與塔爾巴哈台分界地也額爾齊斯自哈布河西北流五十里右會喀喇哈布河三源並發爲古爾班柯爾河南流二十餘里經塔布博勒齊爾卡倫東又南流八十餘里爲喀喇哈布河入於額爾齊斯車布登傳云乾隆二十年定北將軍班第由北路進剿達瓦齊於伊犁道出阿勒坦以烏梁海衆潛附準噶爾遣車布登沿途剿捕至古爾班甯塔克及烏蘭布拉克喀喇哈布地遇烏梁海副都統察達克屬得木齊綽罕句宰桑圖布慎屬得木齊喀喇曼濟等衆盡降之

又西北流訥恰庫河注之

額爾齊斯河西北流六十里訥恰庫河發源烏爾魯嶺南流經噶爾札爾巴什卡倫東凡二百里來滙

又西北流塔爾巴哈台河注之

額爾齊斯河西北流八十餘里塔爾巴哈台河西南流折而東南又南經瑪呢圖噶圖勒卡倫東入額爾齊斯河每歲冬科布多置瑪呢圖噶圖勒卡倫於河北塔爾巴哈台置瑪呢圖噶圖勒罕卡倫於河南交守望焉

又西北瀦為宰桑淖爾

額爾齊斯河逕瑪呢圖噶圖勒罕卡倫北又西北流百三十餘里瀦為

宰桑淖爾亦曰鴻和圖淖爾鴻和蒙古語鈴也見元史語解淖爾圓椭圆形周四百餘里

水道提綱作池周百里極自四十七度之五十九分至四十八度之三十一分西

自三十度之四十五分至三十一度之五十八分在阿勒坦山頂之西

南百六十里準噶爾時有二十四鄂拓克各置宰桑領其眾凡六十二

宰桑宰桑者其大臣也西域山有稱汗者哈瑪爾岱青傳有汗阿林國語謂天子曰汗阿林即山

也淖爾得蒙重臣之目矣

俄儂河果莫孫河注其東南

俄儂河發自薩里山陰在鏗額爾河西鏗額爾河即征西將軍祁里德

剿厄魯特地也事見朋素克喇布坦傳俄儂河達山外北流五十餘里

經俄儂郭勒卡倫東又北流六十里經烏里雅蘇圖卡倫西又西北流

二百餘里入淖爾東南隅河之東岸哈薩克公庫庫岱度冬處俄儂河

源西南百里為果莫孫河發自察罕鄂博舊卡倫東西流百里南匯

齊巴克達孫河折而北經輝巴朗山西凡百五十餘里亦入淖爾東南

隅去俄儂河入處三十許里果莫孫河西岸哈薩克台吉罕巴爾度冬

處車木楚克扎布傳云附托多額爾德尼傳乾隆二十二年車木楚克扎布偕參

贊唐喀祿奏言杜爾伯特貝勒巴圖博羅特公舍稜台吉阿喇善等通

阿逆走額爾齊斯臣等偵得狀借副都統瑚爾起馳赴輝巴朗山後擒
巴圖博羅特等並剿烏梁海賊五十戶旋兵赴塔爾巴哈台緝哈薩克
錫喇即果莫孫河所經山也

納林河哈流圖河注其東北

納林河發自阿斯哈圖嶺西南流百八十餘里入淖爾東北

水道提綱云此水出

沙地不知名在阿勒坦頂北南去額爾齊斯河口五十餘里哈流圖河

發自庫克烏魯木嶺西南流百三十餘里入淖爾北東去納林河五十
餘里

阿布達爾摩多河注其西

楚呼楚河北為喀拉瑪嶺嶺北有濟莫爾色克河河之西北六七十
里有水發自哈爾巴哈卡倫西東流經卡倫北德布色格爾河自南經卡

倫東來滙是為哈爾巴哈河哈爾巴哈河西北五十餘里有巴雅爾河
又西北四十餘里有布古什河二源並發東流而滙經布古什山南又
東經布古什卡倫南諸河皆東北流或百里或數十里而止布古什河
亦曰布固圖河乾隆二十三年副都統唐公喀祿偕厄魯特散秩大臣
和碩齊率兵追捕土爾扈特台吉舍稜至布固圖河四月十七日獲舍
稜弟勞章扎卜勞章扎卜言舍稜願降狀釋之歸舍稜又使請定地徙
游牧唐公疑其詐和碩齊固請公莅其營二十日唐公與侍衛富錫爾
佛爾慶額往和碩齊又言恐舍稜疑懼令官兵下馬舍稜遣人送酒和
碩齊飲之俄頃變作唐公與佛爾慶額俱死富錫爾射殺一賊賊競前
害之賊衆大譟我兵猝起迎敵至額卜克特山和碩齊更衣降舍稜官
兵多戰沒參贊阿公桂追賊至索勒畢布拉干之博勒齊爾賊踰喀拉

瑪嶺走俄羅斯布固圖河東北百二十餘里爲楚克里克河二源分東流百餘里而滙是爲阿布達爾摩多河二支滙處置阿布達爾摩多卡倫於南岸河東流七十餘里入淖爾西

復從淖爾西北溢爲額爾齊斯河

濱河衍沃利耕牧杜爾伯特及烏梁海人皆曾牧於斯杜爾伯特部總

傳云車凌及車凌蒙克遣宰桑以善耕卒百赴額爾齊斯成袞札布傳

云附策
凌傳乾隆十九年赴額爾齊斯督屯田

科爾沁河注之

額爾齊斯自淖爾西北流十餘里科爾沁河自東來入之科爾沁河發自莫根西里地西南流經烏哈爾卡倫南又西南經愛圖拜山西北入於額爾齊斯東南距哈流圖河百餘里

又西北流布崑河注之

額爾齊斯河西北流七十餘里西會布崑河河在阿布達爾摩多河之北百餘里源發自喀拉瑪山東南流經博羅鼐山南凡百里爲布崑河又東流五十餘里經畢陵圖淖爾南和通卡倫北又五十餘里入於河嘉慶十九年將軍松公筠與塔爾巴哈台參贊愛公星阿會疏言塔爾巴哈台西北一帶卡倫綿亘千數百里夏展冬撤其內第三四五卡倫一曰哈爾巴哈一曰布古什一曰阿布達爾摩多近臨大河河名布崑哈薩克回語布崑爲蚊蠓總名每年五六月間山雪消融衆水滙流入河沿岸衝刷水勢散漫蕩漾滿灘徧生蘆草聚育蚊蠓巡查官兵胼胝沙水應差馬匹圈在木柵每日黎明稍得牧放日出之際馬皆自歸周圍常用糞火烟薰略能住足故多倒斃請移哈爾巴哈於大烏里雅蘇

圖移布古什於特穆爾綽爾霍移阿布達爾摩多於阿拉善布拉克並
移和通霍爾海於哈喇布雅從之哈爾巴哈河西罕巴爾度夏處布崑
河西庫庫岱度夏處庫庫岱者右部哈薩克王阿布勒必斯第六子乾
隆五十五年授公爵罕巴爾者西部哈薩克台吉薩呢雅斯第四子嘉
慶五年以捕賊功授第五品秩二人不相能故時有控訴

又北烏柯爾烏蘇注之

額爾齊斯既會布崑北流逕札哈蘇淖爾東淖爾在布崑河北岸百里札哈蘇二淖

爾皆周數十里南北相去里許兩淖爾間置卡倫淖爾東北八十里為
輝邁拉呼卡倫卡倫臨河西岸其東岸為那瑪嶺嶺道崎嶇攀援乃能
上每歲夏塔爾巴哈台置輝邁拉呼卡倫於河西科布多置霍尼邁拉
呼卡倫於嶺間臨河以幾禁俄羅斯之通商者理藩院事例云俄羅斯等除在恰克圖交易外

霍尼邁拉呼卡倫不准通商額爾齊斯河出卡倫乃東北流百八十餘里烏柯爾烏

蘇由東南流百里來匯

又東北流納林河注之

額爾齊斯東北流五十里納林河由東南來匯河發自巴爾哈斯淖爾

在阿勒坦烏梁海西界北岸奇車爾庫嶺其水西北流八十餘里至博恩濟海折

而西流四十餘里有托和喇爾圖河南流百餘里溫都里烏里雅蘇河
北流百餘里皆來匯又西流五十餘里有烏魯爾河南流百餘里來匯
又西流十餘里有庫蘭阿濟爾罕河北流百餘里來匯又折而西北六
七十里入於額爾齊斯河

又北莫依磷河注之

額爾齊斯河東北流折而北凡百里莫依磷河由西流百里來匯額爾

齊斯河之西岸皆哈薩克境自此而北出其界納噶察傳云納噶察從阿睦爾撒納班珠爾竄牧額爾齊斯誘哈薩克兵掠準噶爾境是其地相接矣

又東北流布克圖爾瑪河注之

額爾齊斯河東北流五十里東會布克圖爾瑪河二源東源發自阿勒坦山梁西源發自和托霍爾嶺分西流百里匯為海爾庫門河又西北流五十里為布克圖爾瑪河又西北流百五十里有布魯勒河西南流七十餘里來匯格塔克延丕勒傳云附朋素克喇布坦傳康熙五十六年大軍由布魯勒擒厄魯特羅卜藏錫喇布等又諾爾布班第傳云附卓特巴傳康熙五十九年隨振武將軍傅爾丹由布魯勒進剿準噶爾卽此河也布克圖爾瑪河既匯布魯勒又西流百里入於額爾齊斯河

又東北流達俄羅斯國界

俄羅斯者北邊之大國一統志云俄羅斯地在極北秦漢之間服屬匈奴漢有堅昆丁令唐時有黠戛斯骨利幹等國元時有斡羅思及吉利吉思臧合納謙州益蘭州等處皆其地也元史速不台傳云至阿里吉河與斡羅思大小密赤思老遇一戰降之又云辛丑太宗命諸王拔都等討兀魯思部主也烈班為其所敗圍禿里思哥城不克拔都等奏遣速不台督戰速不台選哈必赤軍怯憐口等五十人赴之一戰獲也烈班進攻禿里思哥城三日克之盡取兀魯思所部而還順治初其國所屬羅刹竊據黑龍江雅克薩之地康熙二十一年副都統郎談公彭春等率兵進討二十四年黑龍江將軍薩布素等復以兵圍之次年其國察罕汗上疏謝罪且請定邊界張文貞公集云俄羅斯部落在西北其地最遠行三年而後達京師順治十二年

十三年兩有使至俱以不知拜跪遣還十七年復至表文稱一千一百六十二年朝議應仍逐其使上寬貸之命禮部諭以不遜之罪其部眾每從邊外渡黑龍江來侵我老察地方老察距寧古塔相近我國貂皮等物多取給於此順治間因其來寇曾欲加兵會廷議令朝鮮供芻糗上憐朝鮮國小不能給大師之費遂罷康熙八年秋復來寇廷議乘江凍時彼不能返可襲擊之朝廷以路遠勞民而止九年四月俄羅斯遣使奉表投誠表文字畫不可識字體自下而上類道家符篆因召其來使譯文以進十五年來貢黑狐紫貂皮哆囉呢玻璃鏡魚牙魚牙大與象牙等其國人面白微紅高準類西二十八年内大臣洋人紅氈帽油靴有髮有髭按文貞公名玉書

索額圖等與其使臣費要多羅等會議於尼布潮之地立界碑於格爾必齊河勒滿漢及俄羅斯喇第納蒙古字於上親王策凌傳云雍正五年策凌偕內大臣四格等赴楚庫河與俄羅斯使薩瓦立石定界楚庫者即庫倫所屬之恰克圖也理藩院事例載恰克圖格爾必齊河兩處交界云恰克圖之小河溝地方有俄羅斯卡倫房間鄂爾輝圖山上有中國卡倫鄂博於此卡倫房間鄂博之間分中設立鄂博為南北通商之地由此地起分兩邊邊界之處迤東循布爾固特依山梁至奇喇卡倫自奇喇卡倫至齊克泰阿魯奇都阿魯哈當蘇此四卡倫鄂博之基以此一路之楚庫河為邊界自阿魯

哈當蘇至額伯爾哈當蘇卡倫鄂博自額伯爾哈當蘇至察罕敖拉蒙古卡倫乃係俄羅斯屬下所佔之地與中國蒙古卡倫之鄂博將此兩間之空地照恰克圖地方分中劃界近俄羅斯屬下人所佔之地如有山河臺噶以山河臺噶為界近蒙古卡倫鄂博如有山河臺噶以山河臺噶為界如無山河之平明地面自正中分中設立鄂博為界察罕敖拉卡倫鄂博至額爾固訥河堤蒙古卡倫鄂博之外另立鄂博為界珠渾之鄂齊克圖霍爾果貝勒蘇圖山庫克齊老圖華郭勒鄂博庸科爾山博斯口棍峯山呼他海圖山科山梁布呼圖嶺額古登昭山梁多什圖嶺克色訥克圖嶺固爾嶺努克圖嶺額爾吉克塔喇噶克台葛托羅斯嶺肯哲瑪達霍尼音嶺克木克木齊克之博木沙喇奈嶺循此山梁由正中分中劃界此間如有橫出之山河將山河橫斷分中為界自沙喇奈嶺至額爾固訥河堤以山之陽為中國山之陰為俄羅斯又云黑龍江與俄羅斯地方相近以格爾必齊河為界自大興安嶺至海山之陽為內地地界山迨平西域塔爾巴哈台所屬哈薩克之北境科布多所屬阿勒坦淖爾烏梁海之西北境皆與其國毘連水入彼界難知翔實康熙五十一年職方司郎中圖公理琛奉使詣土爾扈特阿玉奇汗所牧之額濟勒河假道俄羅斯往返郵程經歷額爾齊斯撰為異

域錄今採其書粗備條貫按異域錄云俄羅斯國地方分為八道俱設立噶噶林馬提飛費多爾魚赤等總管八員分轄每道所管城堡十餘處或二十餘處其八道一曰莫斯科霍斯科國主所都也一曰西畢爾斯科與中國分界處也餘者六道曰喀山斯科曰佛羅尼使斯科曰計由斯科曰司馬連斯科曰三皮提里普爾斯科曰郭羅多阿爾哈連斯科按元史憲宗紀征俄羅斯部地寒而濕多陰少晴幅員遠濶林木蕃至額里齊城未知今屬何道多人烟稀少其國向無汗號原僻處於西北近海之計由地方傳至依番瓦什里魚赤當元至正十餘年間其族內亂依番瓦什里魚赤力微弱求助於西費耶一作雅斯科國其王許助兵八千並糧餉而取俄羅斯之那爾瓦城依番瓦什里魚赤假此兵力征其族類自號為汗焉傳至十三代汗為明嘉靖三十四年又征獲喀山托波兒伊聶謝厄爾庫泥

布楚阿爾塔斯汗等處國勢愈大又一百六十載當康熙五十三年為察罕汗之二十八年也察罕汗名曰票多爾厄里克謝耶費赤距依番瓦什里魚赤凡二十三代察罕汗遣使索取那爾瓦城西費耶斯科國王喀魯祿什不許遂成仇敵喀魯祿什所居城曰四條科爾那初戰敗俄羅斯兵大加殺獲察罕汗之二十年大敗西費耶斯科國取其數城喀魯祿什逃往圖里耶一作雅斯科國拱喀爾汗所屬鄂車科付之小城察罕汗遂移駐於西費耶斯科國之三皮提里普兒城喀魯祿什又攻俄羅斯之達出斯科中礮而死康熙六十年俄羅斯又大敗西費耶斯科國

過托穆斯科

異域錄云哈薩克國哈拉恰兒叭國土爾扈特部總傳作哈喇哈爾榜國策妄阿喇布坦

與俄羅斯四國分界之處曰托穆斯科俄羅斯設管轄柏興一統志俄

有城堡名曰柏興按
柏興疑拜牲之訛頭目一員駐兵五百名

又東北流過鏗格爾圖喇

額爾齊斯河既會布克圖爾瑪河北流有胡蘇圖水自東來入之又東北有烏蘭齋水自東來入之圖魯白水自西來入之又東北有一水自東來入之烏達圖水自西來入之又東北有烏里雅蘇圖水自東來入之額貝圖水自西來入之又東北有坤達圖水自東來入之阿海圖水自西來入之又東北有一水自東來入之烏里雅台水自西來入之又東北有布爾噶蘇台水自東來入之塔里袞水自西來入之諸水皆細流也額爾齊斯河又東北逕鏗格爾圖喇之東鏗格爾圖喇俄羅斯小城也極五十一度二十分西三十度四十五分

又東北流過森博羅特城

額爾齊斯河自鏗格爾圖喇東北流有額布根水自西來入又東北有圖倫亢寄淖爾水自東經哈里爾之北來入又東北有一水自東來入阿布水自西來入又東北有烏蘭布拉克自西來入又東北逕布里爾之東有一水自東北來入又東北有烏孫楚謙水自西來入又東北有察罕鄂爾博水自東來入又東北有察爾河自西南來入又東北逕森博羅特城東森博羅特城極五十三度三十分西三十二度二十分地距中國界已千餘里阿睦爾撒納之竄也實由斯以遁定邊右副將軍兆公惠奏言委署叅領額林策等至俄羅斯森博羅特圖喇向瑪玉爾查問阿睦爾撒納蹤跡瑪玉爾言適據齊倫圖喇報稱有步行二人向刈草之人告云我係阿睦爾撒納可報知爾頭目前來渡我其人即告

知喀丕坦遣人操舟前往久未回報復遣人往看並無蹤跡惟於額爾齊斯河曲尋獲渡口小舟蓋由此渡河以東矣

又東北流過達布遜淖爾

額爾齊斯河自森博羅特城東北流有一水自東來滙折而西流數十里包達布遜淖爾之北以至其東淖爾極自五十四度二十五分至五十五度八分西三十二度三十分達布遜淖爾者鹽池也康熙五十九年俄羅斯使臣伊思邁羅付言我國之人今於鹽池以南宰桑淖爾之處修建房屋居住乾隆二十年參贊富公德奏言額爾齊斯之北有達布遜圖喇地方其地產鹽

又東北折而西北流塔喇河注之

托穆斯科西北二千五百餘里爲塔喇斯科元史曷思麥里傳進擊幹羅思於鐵兒山克之鐵兒卽塔喇之轉也異域錄云塔喇斯科額爾齊斯河來自東南向西北而流塔喇河來自東南於塔喇斯科相對地方歸入額爾齊斯河沿途地平坦俱林藪有杉松馬尾松楊樺榆叢柳櫻菓沿額爾齊斯河岸皆塔塔拉人居住間有田畝塔塔拉者原係庫程汗之人又名貨通自俄羅斯取托波兒等處將其人散處於阿勒坦山後沿額爾齊斯河一帶及托波兒並喀山等地方額爾齊斯河之南岸有廬舍居千餘戶俄羅斯與塔塔拉雜處天主堂六座設管轄柏興頭目一員駐兵五百名按俄羅斯俗以十六寸爲一尺舊以千步爲一里又改五百步爲一里以此積算其地故爲遼遠

又西北流托波兒河注之

額爾齊斯河自塔喇斯科西北流一千二百餘里至托波兒而會托波

兒河異域錄云費耶爾和土爾斯科城之西北二百餘里有費耶爾和土爾斯科佛洛克嶺山不甚大沿途皆林藪有馬尾松果松杉松楊樺櫻莫刺玫山嶺嶺上隨處流泉地甚泥濘上嶺五里許下嶺十里許自嶺西流出者謂之托波兒河自嶺東流出者謂之土拉河俱向東南流經圖敏地方土拉河歸入托波兒河又云自圖敏由土拉河溯流西北舟行五百餘里至鴉班沁沿河兩岸有杉松楊樺叢柳甚稀有小柏興二十餘處柏興附近俱種田畝俄羅斯與塔塔拉雜處土拉河之西岸有柏興廬舍居人二百餘戶俱俄羅斯人有天主堂三座設管轄柏興頭目一員無兵鴉班沁西北四百餘里爲費耶爾和土爾斯科城沿途皆山岡多林藪惟有杉松馬尾松楊樺地甚泥濘有小柏興四五處土拉河來自西北流經費耶爾和土爾斯科城之西面向東南而流河之

東岸石山上下及河之兩岸有柏興廬舍居人七百餘戶俱俄羅斯人天主堂五座有市廛設管轄柏興頭目一員駐兵三百名此處一帶山色奇秀室宇清潔土拉河環抱舟楫往來宛如江南應接不暇忘異鄉行路之崎嶇也又二百餘里經費耶爾和土爾斯科佛洛克嶺其嶺峯巒競秀泉脈爭流夾路野花若張錦綺雖極高之處亦泥濘有水斯卽土拉河托波兒河所由發源蓋二河並東南流千一百餘里而匯又東北千餘里而至托波兒也托波兒在狄穆演斯科西南六百餘里額爾齊斯河來自東南繞逕托波兒向東北而流托波兒河來自西南於托波兒相對地方歸入額爾齊斯河

又東北流過狄穆演斯科

額爾齊斯河自托波兒受托波兒河水東北流六百餘里至狄穆演

科異域錄云托波兒河歸入額爾齊斯河沿河兩岸地勢平坦有杉松楊樺櫻菓叢柳小柏興五十餘處左近皆田畝托波兒以北二十餘里河東岸之上有小土山極平坦無城郭居人千餘戶其廬舍皆大木營治有磚造廟宇二所理事公署木房數間其山麓及河岸一帶居人二千餘戶其廬舍亦皆大木營治有市廛天主堂二十餘座駐兵二千餘名有頭目十數員額爾齊斯河自西南向東北而流至狄穆演斯科水濁溜急

又東北流過薩馬爾斯科

額爾齊斯河自狄穆演斯科東北流六百餘里至薩馬爾斯科異域錄云自薩馬爾斯科至狄穆演斯科沿河一帶東岸之上皆土山平坂有杉松楊樺櫻菓等樹甚密河邊皆叢柳兩岸有小柏興十餘處間有田畝俄羅斯與鄂斯提牙斯科並塔塔拉人雜處其河東岸土山之上有廬舍百餘間居人五十餘戶皆俄羅斯人柏興之四面皆田畝有天主堂一座無兵一種草果俄羅斯名之曰馬里那蒙古人名之曰和厄柏兒濟爾根形似桑椹色赤味甘酸幹不盈尺額爾齊斯河岸山內甚多柏興各處小兒鬻賣

又東北流與鄂布河合

異域錄云鄂布河自托穆斯科二百里外來自東南向西北而流俄羅斯呼為鄂布河其巴爾巴忒人呼為牙巴里河有托穆河來自東南由西面繞經柏興向西北而流至百里外歸入鄂布河鄂布河西北流千餘里有楚里穆河自麻科佛斯科山內發源向西南歸入鄂布河楚里穆河岸林藪內皆塔塔拉人散處甚稀捕灰鼠銀鼠狐狸納貢鄂布河


又北流數百里有揭的河來入之揭的河自麻科佛斯科佛洛克嶺發源環流麻科斯科向西北而流河寬六七丈不等多灣曲水色赤蚊虻甚多沿河有小柏與四五處俱俄羅斯居住其地平坦水窪處甚多皆林藪有馬尾松果松杉松楊樺柳櫻莢刺玫河岸下多土燕巢穴產熊貂鼠狐狸銀鼠灰鼠有一種人類索倫名曰鄂斯提牙斯科在揭的河兩岸林木內散處捕貂作貢一種魚形類鱗魚口似鮰無鱗脊上並兩肋有骨三條連生肉味同於鮰魚大者不過三尺俄羅斯名之曰四帖里烈貼蒙古人名之曰舒里於未凍河之前自北海由鄂布河溯流而來甚多人皆漁捕曝乾爲食亦貨賣由揭的河順流無晝夜行十一日河面遂寬林木漸稀河水漸白蚊虻亦多經羅新訥雅爾及茄斯科村落凡水程二千五百里至那里穆柏興鄂布河自南流來經柏興向西

北而流揭的河來自東南至柏興附近歸入鄂布河由鄂布河順流而下水面多白蛾或飛樹上或浮水面似柳絮乘風楊花鋪地水程西北一千四百餘里經蘇爾呼忒柏興河濁溜緩水漲四溢洲渚甚多沿河兩岸地勢平坦皆林木有杉松楊樺櫻莢河邊多叢柳鄂斯提牙斯科人在林內散處河之北岸向有柏興廬舍居人二百餘戶天主堂三座因失火燒毀少半新結廬舍餘皆穴處俱俄羅斯人設管轄柏興頭目一員駐兵百名又順流乘風揚帆而行西南六百餘里至薩馬爾斯科河東岸有土山不甚大有杉松楊樹河邊有叢柳山麓一帶有廬舍百餘間居人五十餘戶皆俄羅斯人有天主堂一座設管理驛站船隻頭目一員無兵額爾齊斯河自南流來逕薩馬爾斯科柏興向西北流二十餘里會鄂布河

又東北流注北海

額爾齊斯河既會鄂布河復東北流逕郭特斯科東又東北逕巴拉索瓦城東又東北逕惹薩克古城西凡千餘里又東北百餘里至阿布定噶珊之東入北海漢書西域傳云北道西踰蔥嶺出大宛康居奄蔡奄蔡國控弦者十餘萬人臨大澤無崖蓋北海云唐書有流鬼國去京師萬五千里濱北海元史天文志載四海測驗北海北極出地六十五度夏至晷景長六尺七寸八分晝八十二刻夜一十八刻故異域錄云伊聶謝去北海大洋一月程時夏至前後夜不甚暗日落夜深猶可博奕不數刻東方日出也水道提綱云色楞格河北瀦爲巨澤曰白哈爾湖亦曰小海水自湖西北角流出曰昂噶喇河西北流百五十餘里受西南來之厄爾庫河又西北流二千九百餘里受東北來之伊里穆河又


北數百里會西來之伊聶謝河轉東北流入北海考之元史地理志乞里吉思之境長一千四百里廣半之謙河經其中西北流又西南有水曰阿浦東北有水曰玉須皆會於謙而注於昂可刺河北入於海證以今名謙卽昂噶喇河阿浦爲厄爾庫玉須爲伊里穆昂可刺爲伊聶謝蓋羅糾之有色楞格與額爾齊斯譬中國之有江河矣



特穆爾圖淖爾所受水圖 每方百里

特魯布什雅巴


阿拉克圖古勒淖爾所受水圖
每方百里



西域水經卷五

三

喀喇塔額柯爾淖爾




西域水經卷五

三

噶勒札爾巴什淖爾所受水圖
每方百里

西域水道記卷五


三



西域水道記卷五

三


宰桑淖爾所受
水第一圖
每方
百里



河俄水首巴卷五

西域水道記卷五

三六



宰桑淖爾所
受水弟三圖

西域圖志卷五


四

宰桑淖爾所
受水弟四圖



西域水道記卷五

五



西域水道記卷五

五

宰桑淖爾所
受水第五圖

南

西域水道記卷五



海北



